

大

學

意

中庸意下卷

自誠明謂之性自明誠謂之教誠則明矣明則誠矣

此承上章天道人道之意而立言也。謂夫道有天人之殊。名有性教之別。故自誠明者言之。德之在我者。真實無妄。而有以完純粹之精明。明之所照者。旁燭無疆。而有以極貫通之妙。此則聖人之德。不勉而中。不思而得者也。斯固謂之性焉。而天道之所以為天道者。由此其選矣。自明誠者言之。善之在我者。有以明諸心。而理無不窮。德之所進者。有以造其極。而理無不實。此固賢人之學。由擇而精。由執而固者也。斯固謂之教焉。而人道之所以為人道者。由此其在矣。雖然。及其成功一也。蓋誠明者。非曰誠而後能明也。誠之所至。明即至焉。誠復而明。藏於靜虛也。誠通而明。著於順應也。聖人所以先天下而闡明善誠身之準。

者此也。是故誠則明矣。知誠之無不明而何天之非人也。耶夫明誠者非曰明而即能誠也。明之所至誠斯至焉。靜觀之不蔽而誠之體可復也。動察之不眩而誠之用可通也。賢人所以繼往聖而造誠明合一之地者此也。誤改明則誠矣。知明之可以至誠而何人之非天也。耶始也同而異終也異而同。顧人自勉何如耳。

○上二句著聖賢之異其等下是要聖賢之同其歸也。性者全於天之付與子教者成於己之學力。上則字當即字看註無不字重下則字當可以字看觀註可見兩句有抑揚意在誠則無不明而天無待於人矣。明則可以至於誠而人豈終異於天哉。自誠明自明誠處且不可謂明生於誠明亦可以至於誠留在下面用聚罔云下二句宜作申上二句誠明何以謂之惟性誠即明矣。無工夫亦非兩事蓋德無不實者即明無不照之本也。斯以謂之性也。明誠何以謂之教明則可至於誠兩項工夫兩時

事蓋先明諸心然後力行以求至也斯以謂之教也二說皆通  
作文不拘

唯天下至誠為能盡其性能盡其性則能盡人之性能盡人之性  
則能盡物之性能盡物之性則可以贊天地之化育可以贊天地  
之化育則可以與天地參矣

此自誠而明者之事天道也吾性之理統於人物原於天地而  
所以宰之者心之誠也人惟誠有未至而盡性之全功性泯矣惟  
天下至誠為能德極其純而渾全乎降衷之體心極其粹而完  
具乎繼善之分誠精故明而真性於我乎昭融也誠應故妙而  
萬善性真於我乎會通也斯則人物之所同原而天地之所均賦者  
皆自吾心而統會之矣吾知盡性者即盡吾左右斯民之理也  
故不出盡己之中而所以盡人之性者寓焉誠則有以立人極

矣。盡性者，即盡吾曲成萬物之理也。故不出盡人之中，而所以盡物之性者，寓焉。誠，其有以彰軌物矣。人物之生，非天地之化育乎？而有是兼成之妙，則天地之生物有全能而至誠之成物有全用，所以贊化育者，此盡性也。誠不與天地而同用耶？化育流行，非天地之定位乎？而有是默贊之機，則天地成位於上下而至誠成位於其中，所以參天地者，此盡性也。誠不與天地而同體耶？要之，吾性之外無餘物，而人物天地，此性之一貫也。盡性之外無餘事，而範圍成<sub>曲</sub>立，此性之兼該也。至誠功用之全於此，可見矣。首二句分上言德極其盛，下言用極其妙，以知行貫宜發出自然意，為能字貫下三能字，皆本誠來，能字是已然者。盡人物之性，皆一時事，總是一個至誠，非至誠後然後能盡人物之性也。知無不明者，人情物宜罔不達也。處無不當者，人

情物宜罔不若也。贊天地以功，言參天地以位，言此下十一章言誠者，便贊其與天為一言，誠之者便贊其與至誠為一，皆以贊其妙也。

其次致曲，曲能有誠，誠則形，形則著，著則明，明則動，動則變，變則化。唯天下至誠為能化。

此自明而誠者之事，人道也。意謂人之性無不同，而氣則有異，故惟至誠聖人能舉所性之全體而盡之焉。其次未及乎聖而未至於誠者，當何如也。其必善反以為功，而因其發見之端以充滿其本然之量，執復以為能而就其一偏之善，以各造夫極致之歸，是能致曲矣。曲者一偏之善也，曲無不致，則德無不實，而全體皆誠矣。既誠矣，則不能不形於身焉，而和順積中，英華發外也。既形矣，不能不著焉，而日新月盛，晬面盎背也。既著矣。

不能不明焉。而光輝發越，赫喧盛大也。由是而驗之於物，不能不動焉。有感必應，其機通也。既動矣，不能不變焉。遷善敏德，其勢順也。既變矣，則必化焉。大順之施，不見其迹。大化之運，莫知其然也。夫感人而至於化，豈易能哉。唯天下之至誠也。天德造於不顯，而體信有以裕達順之機。故王道泯於無形，而存神有以妙應物之感。今致曲而至於是焉，則因明以致誠，致學以成聖。擬之至誠之天道，亦通一而無二矣。此言人道欲人加擴充之功也。在有誠，截則化，又截總是推誠之者之極功，而要其同歸於至誠也。功夫只在致曲上。形著明在已，動變化在人。致曲是自一念以至萬念，隨其事以求至於天理之極，而無一毫人欲之私。致曲亦不外擇善固執，不擇乎善，則理欲混淆，固無以知其為曲而致之。擇善而不固執，則雖知其為曲，終為私私。

欲所奪不能致之也。誠則形誠字直貫到則化是舉成功而言。形著明自有分別不可混了。俱著身上說不可著事業上動變化。方就事業言動只是有遷善的意思未及遷善也。變則遷善矣。猶有迹也。化則無迹。此是其分別處。為能二字極重。蓋惟至誠故能然也。

至誠之道可以前知。國家將興必有禎祥。國家將亡必有妖孽。見乎蓍龜。動乎四體。禍福將至。善必先知之。不善必先知之。故至誠如神。

此自誠而明之事。天道也。凡知有未至者皆誠之未至也。惟至誠之道。天理渾融。私欲淨盡。可以前事而知其幾。然其所謂前知。豈意想測度之私哉。蓋自有可知之理也。彼國家將興也。必有禎祥之兆。將亡也。必有妖孽之萌。不特此也。或見於蓍龜。有



吉凶或動乎四體有得失如禎祥也著龜所見之吉也威儀所動之得也皆福之將至也所謂善也如妖孽也著龜所見之凶也威儀所動之失也皆禍之將至也所謂不善也至誠則善必先事而知之不待善既至而後知也不善必先事而知之不待不善既至而後知也夫知來莫過乎鬼神今至誠亦能知來焉則是鬼神涵天地之實理而洩其機於朕兆之間至誠亦全天地之實理而炳其幾於著見之始方禍福之未至鬼神與至誠同一寂然不動之體也及禍福之將至鬼神與至誠同一感而遂通之妙也孰謂至誠而非天道乎○首二句截至誠用註誠之至極而無一毫私偽留於心目之間者○講道字即就誠說前知者知將來之禍福也是自然能知者禎祥妖孽著龜四體一例看皆理之先見者也禎正也天地正氣精英所鍾兆乃朕

北萌乃萌芽將自字要發禍福將至總承上四句說禎祥妖孽以  
國家之興亡言著龜以人事之利害言動乎四體以人身之存  
亡言鬼神實理聖人實心以實心觀實理有默契焉蒙引云聖  
人胸中無一物芥蒂無一事係累空空淨淨如太虛然故禍福  
之將至感於吾心融於吾氣如有萌焉無不前知此說甚妙  
誠者章旨 首節言人當體乎誠次節言當誠之由末節言能誠  
之妙通章重誠字道特不可脫落耳非兼重道也  
誠者自成也而道自道也

理一而已自其道之具於心而純乎不雜者謂之誠自其誠之  
發於事而燦然各當者謂之道誠也者豈離乎物者哉為性命  
之原民秉之藝乃物之所以自成者也道也者豈由乎人者哉  
率性以完衷體誠以立德乃人之所當自道者也夫誠以心言

道之體也。道以理言，道之用也。欲行道者可不先盡乎誠哉。○此論誠之切於人而責人以體之也。誠字只就心言，自成只就人言，自成者言人心之誠者，乃所以自成其為人，觀而字則二句原相聯，不可板板作兩對。上自字乃自然之自，下自字乃自己之自。誠即天命之性，道即率性之道。淺說謂實理無往而不，在人心當無往而不實，以此繳便好。

誠者物之終始，不誠無物，是故君子誠之為貴。

何以見其當誠也？天下之物莫不有終，而其所以終者，乃實理之盡而斂於無也，豈能外此誠以為終乎？莫不有始，而其所以始者，乃實理之至而立其有也，豈能外此誠以為始乎？夫物必依誠而立，如此使入之心一有所妄，而戾乎誠，通誠復之體則事皆不實，而無以自適，其成始成終之天，有物之名，而無物之

理矣誠之不可已如此故君子必貴擇善以研幾而務去其有  
妄之累固執以為守而期復吾固有之良夫然則誠自我立道  
自我行而有以成乎已也。○誠者句泛就理言全章五誠字餘  
四字俱指實心獨此誠字着理不誠無物方着人說物之終始  
雖兼天地人物而指歸重人上蓋指誠之源頭在天道上說以  
見人之當誠故遂頂以不誠無物蓋所存不是實心所發不是  
實理雖有所為亦虛偽而已豈得為有物乎故字承上來誠之  
為貴內有工夫以擇善固執講未便說自成地位註天下之物  
二句統解物之終始故必二句解始字所得之理二句解終字  
二盡字作終字看通章全不及道見非以誠自成則不能自道  
也

誠者非自成已而已也所以成物也成已仁也成物知也性之德

也。合外內之道也。故時措之宜也。

夫君子固以誠為貴。而有以自成矣。然誠也者。萬物一原。非有我之得私也。成之於身。既兼體而不累。則推之於物。自曲成而不遺。非自成己之性而已也。亦所以成物之性也。夫物我兩事也。而君子乃能一以貫之者。何也。以誠之道無二致也。蓋語其成已也。私欲淨盡。天理流行。一誠之公溥也。仁之存也。語其成物也。知無不明。處無不當。一誠之明通也。智之發也。是仁也。智也。皆吾性之德也。仁以成己。疑若專於內矣。而仁之昭融。即智之有覺。則內未始不外也。智以成物。疑若專於外矣。而智之無私。即仁之本體。則外未始不內也。夫惟其為合內外之道。由是以時措之。而處己處物無所不宜。而人而已也。皆於是乎成矣。可見仁智一道。物我一原。而信乎成不獨己也。推其至。則雖化道

育之贊天地之參亦不出此矣然能成之妙實能誠之功致之者君子可不以誠為貴乎。道也。分成已成物俱是一時自然之功用。成物即在成己內。不就感化言物兼人物仁智即成已成物見其為仁智也。非謂成已成物由於仁智也。成已成物以事言仁智以德言。總是一誠而已。故字承上意。既得於己是得仁智於己也。時措就成已成物說不必推開。

無息章音 故至誠至無為而成言至誠無息之功用下即天地以明至誠無息之功用末又即詩以明至誠無息合天之意細分之。首節言至誠之德之盛。二節言其德積於中而業自見於外也。三節言至誠功業之驗於外者極其盛也。四節言其功業與天地同用。五節言其功業與天地同體。六節言其功業一出於自然也。以上皆是言至誠之功用而以天地明之下則專言

天地以明至誠無息之功用。七節言天地以誠而之本於誠。八節言天地之道以誠而極其盛。九節言天地以誠而能生物。十節又引詩以明至誠無息之意。天地聖人不可以差殊觀也。總見非至誠不足以贊天地之化。非天地無以擬至誠之能。信乎天之未始不為人人之未始不為天矣。

故至誠無息不息則久久則徵徵則悠遠悠遠則博厚博厚則高明

此亦發明天道之意。謂夫體用妙於一原內外合於無間則至誠德業之盛其容將已乎。彼德有未實者不免於間斷。惟至誠也。天理既純則人欲不得以間之而無息矣。誠有未至者未必能久也。今曰不息則自始至終皆一誠之運而能久矣。久則積盛而化自光有以徵於政治之間而為功業矣。然其徵於外也。

何如哉。但見從容不迫而為悠也。長久不替而為遠也。既悠遠矣。則大化覃敷於無外。至恩浹洽於人心。其積也不亦博厚矣乎。既博厚矣。則成功昭峻。極之神文章昭煥發之盛。其發也不亦高明已乎。至誠以實心言。而實理在其中矣。誠之既至。則無復虛假。既無虛假。則自無間斷。此處當說得細。不息是無私欲之間。久是常。如此也不息與久有分別。徵就事業上說。久則徵猶有兩節。事徵則悠遠。却無兩節。事只是其所徵者悠遠也。悠是寬緩不迫。遠是長遠也。博是橫說。如東漸西被是也。厚是直說。如浹於肌膚。滲於骨髓是也。高是巍乎其有成功也。明是煥乎其有文章也。博字根悠字來。厚字根遠字來。高字根博字來。明字根厚字來。都是一時事。

博厚所以載物也。高明所以覆物也。悠久所以成物也。



夫至誠功業既極其盛則即此所積之博厚乃所以載物天下無不被其澤也。即此所發之高明乃所以覆物天下無不仰其休也。即是博厚高明之悠久乃所以成物天下莫不得其所也。夫至誠之功用與天地同流如此則驗於外者何盛哉。載物覆物成物皆就聖人功業說。載物等就在博厚等內。天地同用意中間不必用。至末方繳出。悠久即博厚高明之有終處。成物即覆載之有終處。註曰兼內外而言者。久是在內。悠是在外也。業本於德。故云然。作文亦當融會。

博厚配地高明配天悠久無疆

夫地之載物以博厚為體也。而至誠亦有以載乎物焉。則其博也。即含弘之體。其厚也。即貞靜之基。而聖人即載物之地矣。天之覆物以高明為體也。而至誠亦有以覆乎物焉。則其高也。即

其峻極之隆其明也。即其下濟之光而聖人即覆物之天矣。天地之成物以無疆為體者也。而至誠亦有以成乎物焉。則其常載乎物者。一地道之不息。其常覆乎物者。一天道之不窮。而聖人與天地相為終始矣。不亦與天地同體乎。博厚等。乃是至誠功用。而此又言體者。蓋就至誠之功業論之。則至誠其體功業。其用自功業之及物言之。則及物其用功業。其體也。先以天地之體提起。然後講聖人博厚等句。切避載物等句。蓋此言體也。

如此者不見而章不動而變無為而成

夫至誠之功業同天地之體用如此者。豈強勉之所為哉。吾知博厚所積而章生焉。一誠之精而明也。無待於見也。其即坤以簡能而萬物為之化光者乎。高明所發而變生焉。一誠之應而

妙也無待於動也其即乾以易知而性命為之各正者乎悠久  
所需物於是乎成焉一誠之運而不已也無待於為也其即天  
地之無心而成化者乎夫其一出於自然如此信非天地不足  
以擬之矣。此總承上兩節說來章變成上文已有了重不見  
不動無為上說不見不動便是無為章變便是成章是宣著變  
是變化成是各遂其生各復其性而無一不得其所也非真是  
一無所為只自順萬事而無情意

天地之道可一言而盡也其為物不貳則其生物不測

夫至誠之功用固有同於天地而天地之道果何如哉誠以天  
地大矣廣矣其體極於莫禦其用極於無外宜累言之有所不  
能盡也而易知易能之理則有一言可以盡之者一言維何不  
過曰誠而已蓋天地之為物也純一而不貳惟不二也夫是以

誠運而不息惟不息也夫是以生物而不窮萬物資之以始焉而其所為始者不可知也資之以生焉而其所以生者不可知也孰得而測之乎究其所以然則誠而已矣。此言天地以誠而妙萬物也為物不二正是一言而盡也物指天地說下物字乃天地所生之物與此不同生物亦重在誠上看不重在生物上不測是莫知其所以然非言生物之多不可測也不二對前面至誠無息生物對前面徵字看

天地之道博也厚也高也明也悠也久也

天地固以誠而妙生物之化矣則其盛何如哉是故地之道惟其誠也是以含宏普翕受之量靜深立教化之基博也而又厚也天之道惟其誠也是以運而為神功之峻著而為下濟之光高也而又明也其博厚高明者又且變化推遷有漸而不迫往

來始終有常而弗替，悠也而又久也。其盛有如此者。○博厚等俱兼性情體言，須要根誠來發揮。地之道既博且厚，而博厚又悠久，地道極其盛也。下微此。

今夫天斯昭昭之多，及其無窮也。日月星辰繫焉，萬物覆焉。今夫地一撮土之多，及其廣厚，載華嶽而不重，振河海而不洩，萬物載焉。今夫山一卷石之多，及其廣大，草木生之，禽獸居之，寶藏興焉。今夫水一勺之多，及其不測，黿鼉蛟龍魚鼈生焉，貨財殖焉。

夫天地之道，以誠而各極其盛如此，則生物之妙又何如哉！今夫天以一處言斯昭之多耳，未足以言高明也。及其至於無窮也，但見日月星辰繫焉，以至萬有不齊之物，皆覆焉。天之生物如此，今夫地以一處言一撮土之多耳，未足以博厚也。及其至於廣厚也，但見載華嶽而不見其重，振河海而不見其洩，以

至萬有不齊之物皆載焉地之生物如此然天地之間至大者莫山川若也而天地之生物皆在焉今夫山以一處言之一卷石之多耳未足以言廣大也及其廣大草木生於斯禽獸居於斯寶藏興於斯觀山而天地之生物見矣今夫水以一處言一勺之多耳未足以言不測也及其不測鼃鼃蛟龍生焉魚鼈生焉貨財亦於此乎殖焉觀水而天地之生物見矣夫其生物不測者天地之功用也所以生物者不貳之理爲之也即天地不可以見知聖人乎○日月星辰萬物分開不必相承四段不乎山水不過天地中之一物并言之亦明天地耳自天地之道可言而盡至此條條繳轉聖人身上去方是以天地明至誠無息之功用本旨若題長則總繳為是切不可脫却了

詩云維天之命於穆不已蓋曰天之所以爲天也於乎不顯文王

之德之純蓋曰文王之所以爲文也純亦不已

觀天地固足以見聖人矣是義也嘗於詩而有以見合一之妙焉詩有之曰維天之命於穆不已夫謂命之不已者蓋曰惟不已則陰陽無始變化無端是天之所以爲天也外是而蒼者特其形大生者特其用耳豈天之所以爲天者乎又曰於乎不顯文王之德之純夫謂德之純者蓋曰惟純則私欲淨盡而萬物皆融是文王之所以爲文也外是而西土之光特其迹不顯之謨特其緒耳豈文王之所以爲文者乎蓋不已固天之道也而文王之德純乎天是亦不已矣是純即至誠也不已即不息也天地聖人同一至誠無息如此則其功用之盛也宜哉○天地聖人雖並舉重聖人一邊註引此詩以明至誠無息之意亦要看得明白天之所以爲天只在於穆不已則天道之至誠無

息可見矣。純亦不已，另講重二個所以字。天命不已，與文王之德俱要說在內者，不顯要入德之純內去，不要說顯之於外。天命至說誠也，不已無息也。德之純至誠也，不已無息也。不言功用者，是乃天道聖人之本體也。舉文以該羣，聖舉天以該地。

大哉章音 作三大段看。首五節是詳聖道之大，而凝是道者存乎德，故君子節正言脩德，凝道之功。末節言脩德凝道之效，以見脩德凝道之不容已也。此章最是大關鍵。首言道體之大，所以申道章性道教之意。中言功夫之詳，所以申首章戒謹恐懼之意。末言效驗之廣，所以申首章位育之意。前後數章，惟此章切要。

### 大哉聖人之道

此章言人道也。道之為道也，語其賦命之全。雖各足於人，惟要

性



其會歸之極實則管於聖人是道也言其體統則範圍而不過也曲成而不遺也言其散殊則至蹟而不可息也至動而不可亂也夫固不圓於形不拘於象者矣大矣哉聖人之道乎。大哉宜虛虛包下兩節而言只以大小兼該意發之道卽率性之道謂之聖人之道以聖人能體是道耳此道是為勉人用功張本

洋洋乎發育萬物峻極于天

優優大哉禮儀三百威儀三千

何以見其為大也蓋使語大而有外則必有以加乎其外者非所以為大也語小而有內則必有入乎其內者非所以為小也今自統體觀之洋洋乎流動而不拘充滿而無間焉是故飛潛動植萬物至多也而道之流漸有以發育之包含徧覆天

至高也而斯道之高有以峻極之夫其洋洋如此則大極於無外矣自其散殊者言之優優乎充足而無歉周徧而有餘焉是故言乎禮儀如朝覲會同之類則有三百焉三百之中無一而非道也言乎威儀如升降揖遜之類則有三千焉三千之中無一而非道也夫其優優如此則小入於無內矣聖人之道何其大也哉。發育二字宜平發育無發生收斂不可專就春生說發育句以道之功用言萬物發生養育於陰陽五行之氣道即陰陽五行之理是氣之所流行即理之所流行也不要說聖人使他發育峻極句以道之體段言天下之物高大無過於天者天之所以為天不過陰陽五行渾淪磅礴之氣而有是氣必有是道理是氣之充塞即此理之充塞也優、對上洋洋看大哉只是个多字充足有餘不可分說或言充足而無遺有餘而不

盡非也。自綱言之謂之禮儀，自目言之謂之威儀。威儀乃禮儀中者，然亦兩平。

待其人而後行

然是道也，豈能以自行哉？道具乎人人，載乎道其本原之地，固合一而不離，而道體無為人，心有覺其凝成之責，必有待而後體。君子於此，當盡弘道之功矣。此總結上文，亦起下意也。待人後行，當兼大小，又須含下意，謂道之優優者，必待學問細密之人而可行。道之洋洋者，必待德性宏大之人而後行。如此含講便好。

故曰苟不至德，至道不凝焉。

夫道之所以行者，人也。人之所以行，是道者，德也。苟德性未底於宏大，而心不存，則道之洋洋者，終散之天地萬物而已而不

為我凝也。學問未底於精密而知不致，則道之優優者終歸之禮儀威儀而已，而不為我凝也。故曰凝焉，然則道必待人而行也。其可弗信矣哉。此只是反上起下，正見道必待人而後行也。凝字與行字不同，行是發於事，凝是會於身，凝則能行也。註解聚也，成也。二字有淺深，一串說道非德不凝，故下遂言修德之功。故曰非古語，只作所以字看，便是。

故君子尊德性而道問學，致廣大而盡精微，極高明而道中庸，溫故而知新，敦厚以崇禮。

夫道必待人而後行，如此則君子脩德以凝道也。果何以用其力乎？以為道雖發及於育峻極，而實具於德性中也。必從而尊之，而不使有一毫之急忽於以全夫心體之本然。道雖散於三千三百，而實學問足以該之也。必從而道之，而不使有一毫之鹵莽。

於以極夫事理之當然然尊德性而道問學非可以一端盡也  
是故德性本自廣大也不有以致之不免於狹小矣吾其包涵  
萬理不以一毫私意自蔽焉而精微之極寓於廣大之中者又  
必盡之而析理無毫釐之差也非學問之所以造其理乎德性  
本自高明也不有以極之不免於卑暗矣吾其同體太虛不以  
一毫私欲自累焉而中庸之則即寓於高明之內又必道之而  
處事無太過不及之謬也非學問之所以履其實乎洞然虛靈  
德性本不慮而知也故而不溫則良知雖得於天啟久之而漸  
遺忘矣於是溫之而涵泳之功深若夫義理之煩繁有待於問學  
而後知者則必於溫故之中而日知其所未知不敢諉於已知  
而遂已也渾然全具德性本不學而能也厚而不敦則良能雖  
得於天賦而日趨於薄矣於是敦之而持守之力固若夫節文

之詳有待於學問而後能者則必於敦厚之中而日謹其所未  
謹不敢諉於己能而遂已也。內外本末交相培養而至德有不  
修至道有不凝乎。尊德性而道問學句是一節之主。下四句  
都是此字。但不必以此為目也。尊德性與致廣大等是大段工  
夫。道問學與精微等是細密工夫。下八者雖平四段看不可段  
段用。泛說道中庸崇禮如何亦屬致知。蓋必知之而後能道能  
崇也。存心以極道體之大。應前洋洋節。致知以盡道體之細。應  
前優之節。存心是存其心體之本然者。致廣大也。極高明也。溫  
故也。敦厚也。皆存心也。致知是推極夫事理之當然者。盡精微  
也。道中庸也。知新也。崇禮也。皆致知也。不必於其中又分知行  
心思廣大者多。忽略細微故致廣。大而以盡精微補之。私意自  
蔽意是萌動之始。故止可言蔽。則廣大處已被窒塞了。私欲自

終不止於意而為物所昏無所謂高明者矣所以方可自言累  
累朱子曰致廣大謂心胸開闊無彼疆此界之殊極高明謂無  
一毫人欲之私以汨之纔有累便卑汚矣高明者多過高故以  
道中庸補之厚是資質純朴敦是愈加厚重培其本根有一般  
人實是敦朴然或箕倨不恭便是不崇禮然去理會節文若不  
敦厚則又無以居之所以忠信之人可以學禮大小相資者大  
是每句上半截存心也小是每句下半截致知也相資者非存  
心無以為致知之地非致知無以收存心之功也首尾相應者  
首是尊德性一句尾是下四句相應者首一句固大小相資下  
四句亦然也句中而字卽相資意末句以字亦無異義崇是積  
小以高大之意

是故居上不驕為下不倍國有道其言足以興國無道其默足以  
容詩曰既明且哲以保其身其此之謂與

即能修德凝道無所不至如此則亦聖人矣其何所往而不宜哉以之居上則必能制禮作樂以立於無過之地矣奚以驕以之居下則不敢踰制僭作以取及身之災矣奚其倍以處國之有道則有可為之具而言足以興以處國之無道則無自取之禍而默足以容夫隨在皆善如此詩曰既明且哲以保其身言其知機而順理也其此句只須此一節也其即德修道疑而上下治亂皆宜之謂與。此條是修德凝道之效是故承上來居上四句平看引詩正明此也或云專證無道邊者非是默足以容非是保守祿位取容於世亦是道理當如此默耳若到舍生取義時又不如是論也明哲只是曉天下之事理順理而行自然災害不及其身也其字指詩此字指居上等重無往不宜意蒸民詩仲山甫作也

愚而章旨 首節言倍上之禍中三節詳不背倍之衷末節證不倍



上之人也。

子曰愚而好自用賤而好自專生乎今之世反古之道如此者哉及其身者也。

承上章為下不倍而言人道也。聞夫子之言曰愚而無德無制作之本自用不可也。乃恃意妄作而好自用為賤而無位無制作之權自專不可也。乃擅權自恣而好自專焉。生今之世從今之道可也。乃違時獨立而欲反古之道焉。如此者非明哲保身之人哉。及其身者也。然則為下者信不可倍矣。此承上不倍而言愚賤生今三平看是為下也。自用自專反古是倍也。自用自專與道字即下文議禮制度考文俱要根不能修德凝道來。如此者此字通指愚自用三句言。

非天子不議禮不制度不考文。

由夫子之言觀之可見凡欲制作者必有德焉以立制作之本  
有位焉以操制作之權又有時焉以值世道維新之會所謂聖  
人受天命而為天子可也苟非有德有位有時之天子則於禮  
不得私議之以定親疎貴賤相接之體也度不得私制之以別  
宮室車旗服色之等也文不得私考之以正聲音點畫形象之  
差也不然則是愚而自用賤而自專反古之道矣可乎哉。此  
為下不倍之實也天子正是德位時之兼隆者相接之間莫不  
有禮其分限節度經制大備猶人體之全具故曰體也制度制  
字活看即作也與註中品制制字不同謂之品制者以其不相  
混而各有倫也書名者即字也名則字之聲也考者考其字形  
及聲音非天子正指為下者言

今天下車同軌書同文行同倫

試以今時驗之。今天下何時也。文武創其制於前。既立夫一代之章程。後王守其制於後。又遵夫一統之紀律。以其車言之。則頒之冬官。掌之輿人者。有成度。而今天下由之以馳驅焉。作之者。遵其廣狹之軌。而不能異其體也。因之者。循其大小之軌。而不能異其用也。天下之車同矣。車同而度無私制。可知矣。以書言之。則內史達書名於四方。行人諭書名於九歲者。有成命。而今天下信之。以為書焉。音律齊而輕重協於五聲也。點畫定而多寡協於一體也。天下之書同矣。書同而文無私考。可知矣。以其行言之。則司徒明其教宗伯秩其典者。有定體。而今天下因之以敦倫焉。恩以相與。親疎之殺均也。禮以相接。貴賤之體一也。天下之同矣。行同而禮無私議。可知矣。夫為下者。皆不敢倍上之所制。所議。所考。如此。則制作之任。非天子其誰歸哉。此

為下不倍之驗也。重下人守法意。今天下略斷下三句。平車應前<sup>上</sup>制度。獨言車者。舉一以該其餘也。書同文。應上考文。行同倫。應上議禮。次序如等威節文之類。體尊卑貴賤相接之體。皆是可見。作禮樂者。必聖人在天子之位。而後可。不然。非天子而議禮制度。考文即自用。自專反古矣。

雖有其位。苟無其德。不敢作禮樂焉。雖有其德。苟無其位。亦不敢作禮樂焉。

由此觀之。可見雖有天子之位。苟無聖人之德。則不免於愚也。如是而議禮制度。考文以作禮樂。是愚而自用也。而有所不敢也。也有位無德者。且然。并其位而無之者。可知矣。雖有聖人之德。苟無天子之位。則不免於則也。如是而議禮制度。考文以作禮樂。是賤而自專也。而有所不敢也。有德無位者。且然。并其德而

無之者可知矣。承上文而言作禮樂者必聖人在天子之位而後可也。雖有其位三句應上愚而好自用。雖有其德三句應上賤而好自專。兩不敢字應上災及其身意。禮樂即制度等事。此節重在賤一邊作文當知此意。

子曰吾說夏禮杞不足徵也吾學殷禮有宋存焉吾學周禮今用之吾從周

且以夫子之聖亦曰吾能說有夏制度文為之禮而杞之賢才凋謝典籍廢壞不足徵也不可從也吾嘗學有殷制度文為之禮而宋之文獻未盡泯雖猶存什一於千百然非今之所用也吾亦不從也吾學周禮乃時王之制今日所用者也吾惟從之以安其時而已矣夫夫子必曰吾從周者時之所在有不得違焉是生今反古之戒夫子言之而未嘗蹈之也孔子之聖且然

况吾人乎信乎為下不可倍上也已。此條應生今反古者說學二字互見註中皆嘗學句甚明有宋雖曰有存其所存焉者已寡矣

王天下章旨 王天下二句且虛看下文乃詳言之上為者節言德位時不相符者不可制作故君子以下乃詳言有德有位宜於時者之事君子動節即是明得<sup>德</sup>以寡過意詩曰節言其有六事之善然後有聲譽於天下可見君子當盡脩凝之功也

王天下有三重焉其寡過矣乎

此承上居上不驕而言亦人道也謂夫君子之王天下其事莫重於議禮制度考文也有此三重之道則有以新天下之耳目一天下之心志國不異政家不殊俗同軌同文同倫而民得以寡過矣乎。王天下者乃有德有位有時之人也有字重看所

謂惟天子得以行之是也。寡過重在上者，使他寡過。說註因不異政二句，正解寡過。諸侯有國，大夫以下有家政，以所於施言俗以習尚言。政在上，俗在下，有三重句。包本諸身兩條意。寡過包勤而一節，寡過須兼天下後世。

上烏者，雖善無徵，無徵不信，不信民弗從。下烏者，雖善不尊不尊不信，不信民弗從。

夫所謂王天下者，謂其有德而又有時與位也。如使三重出於時，王以前之制作，吾見雖善矣。然世遠人亡，非其時而無徵也。無徵則不足取信於民，民將駭之而弗從矣。能使之寡過乎？又使三重出於聖人在下者之制作，吾見雖善矣。然道在而位不在，無其位而不尊也。不尊則不足取信於民，民將玩之而弗從矣。能使之寡過乎？此承上起下之詞。註夏商孔子勿用上烏。

者有德與位而無時者下焉者有德而無位時者時不講也罷  
二个善字雖指制作言其實本德來民不從是不足取信於民  
也此節只輕遞過

故君子之道本諸身徵諸庶民考諸三王而不謬建諸天地而不  
悖質諸鬼神而無疑百世以俟聖人而不惑

夫有德而非時非位則民不從如此故君子之議禮制度考文  
也皆本諸身焉非徒法而難行也以此徵諸庶民皆從信焉非  
無徵而不尊也不特此也考諸三王則三王亦此道而與其已  
然者不謬也建諸天地則天地亦此道而與其自然者不悖也  
鬼神無形而難知者也以此質諸鬼神則無疑焉而幽則有以  
驗乎明矣後聖未至而難料者也以此俟諸後世則不惑焉而  
遠則有以驗乎近矣所以然者亦惟理而已矣循其理而推之



無不準居上不驕也不可見乎。此與下節正應王天下向君子乃有時有位者故字承上來本者外之制作根本於中之德也從脩凝來徵諸民而信從者以其有時有位也本字徵字俱作已然看對下不謬不惑無疑不悖字眼不謬者與之無所差悖者與之無所拂無疑者決不能外吾之範圍而別有一造化也不惑信其不能外吾之規矩而別有一建立也實証也不謬等字皆就自身上說不必言彼與我不謬也一節重一个理字本諸身有德而善於禮先得同然之理也徵諸庶民乘時德位以行其理此理通於民心而見從也由是考諸三王而不謬雖損益未必盡合而因時立政之理則不謬也由是則建諸天地而不悖雖象數未必盡合而三才之理則不悖也由是而質諸鬼神雖幽明未必盡合而往來屈伸之理則無疑也由是而

俟諸後世聖雖遠近未必盡合而因革之理則不惑也若以迹言則豈能一一皆同六事雖並言然徵諸庶民以下皆根本諸身而做口氣出來的但作文則當平看耳

質諸鬼神而無疑知天也百世以俟聖人而不惑知人也

夫鬼神幽矣而君子三重之制作乃能質之而無疑者何哉由其知天之理也蓋天之理盡於鬼神知天之理故制作合天之理所以質諸而無疑也後聖遠矣君子三重之制作乃能俟之而不惑者何哉由其知人之理也蓋人之理盡於聖人知人之理故制作合人之理所以俟之而不惑也夫鬼神之幽且無疑况明而天地未後聖之遠且不惑况近而三王矣而本諸身徵諸庶民又不足言矣知人知天知人此推上文意言君子之制作所以質諸非徒然也由其知天雖止言鬼神後聖實總結上四句之義知

字皆就理言非徒泛泛知之而已也真是深知灼見從尊德性道問學來然知天知人又非兩節事

是故君子動而世為天下道行而世為天下法言而世為天下則遠之則有望近之則不厭

夫君子盡三重之道而備六事之善如此既以已立於無過之地矣而民之寡過當何如耶是故君子不以三重動於已則已動則世為天下之所共由焉如動而見於日用事為是行也則世為天下之法度焉無不遵其所行也動而見於號令訓誥是言也則世為天下之準則焉無不遵其所言也後世之民有不因之而寡過矣乎至於一世之人有四海之遠者焉遠者慕其行以為法也仰其言以為則也吾見其人不同而同有企慕之意矣有畿甸之近者焉近者則法其行而與之相安也則其言而與

之相忘也。吾見其人不同而皆無厭射之意矣。當世之民有不  
因之而寡過乎。此正見民得以寡過也。首句貫下二句。道貫  
下法則意。世字只作本朝相承而言。道者共由之謂。法者丕式  
之謂。則者取正之謂。世以時言。遠近以地言。遠者悅其德之被  
故有望。近者習其行之常。故不厭。亦脫不得居上不驕意。

詩曰：在彼無惡，在此無射。庶幾夙夜，以永終譽。君子未有不如此  
而蚤有譽於天下者也。

夫世為法則，君子之譽在後世矣。遠近望悅，君子之譽在當時  
矣。嘗得之詩曰：在彼無惡，在此無射。而隨處之皆善。庶幾夙夜  
以永終譽，而令名之無窮。永終其譽，而必本於無惡。射如此，然  
則君子之所以得天下後世之譽者，正以其六事之善故耳。未  
有不如此其行為法言為則，遠有望，近不厭，而蚤有譽於天下

者也是王制之盡善者居上不驕也天下寡過者居上不驕之化也君子脩德凝道之效如此乎。上言制作之善而後民信從此引詩而申之明人之信從由於制作之善也未有不如此捲轉故君子節譽非稱詞即上動而節事也蚤字以先字遠字看他重明君子致譽之有本意

仲尼章旨 首言聖人之德之全次節則以造化擬之末節則言造化之所以大以見聖人與之同其大也

仲尼祖述堯舜憲章文武上律天時下襲水土

上數章發明天道人道之意盡矣於此復以仲尼之事終之見中庸之道盡於羣聖人而會於孔子也謂夫精一執中道實始於堯舜也仲尼則遠宗其道焉謨烈重光法莫備於文武也仲尼則近守其法焉天時有自然之運也仲尼則變易從道而循

其盈虛消息之度水土有一定之理也。仲尼則安土敦仁而不失其流行坎止之常。夫然則有以兼體乎帝王出入乎造化矣。○此言仲尼會帝王天地之全四句平看。述憲律襲等字無工夫。只是道極其盛合四事而一之者也。時說以制器尚象斷自唐虞為述。堯舜問禮問官為憲。文武風雷必變為律。天時如居魯逢掖。居宋章甫為襲。水土雖此數事亦在內。然專以此講是視仲尼之道反支離矣。註中於堯舜言道於文武言法者以其既往則謂之道。以當世所遵則謂之法。非有二也。律襲者聖人統體太極自然與天同運而不違與地並止而不易也。註中言兼內外該本末者存帝王天地之理於心則為本。措帝王天地之理於事則為外。為末內外皆有大小。非謂以內本為大德外末為小德也。

辟如天地之無不持載無不覆幬辟如四時之錯行如日月之代明

夫堯舜文武天時水土皆道之所在也（漢章上律下衰如此其）仲尼祖述祖述則於天下之理巨細精粗無毫髮之不盡自始至終無頃刻間斷矣自其無一毫之不盡者觀之彼大而無外天地之覆載也聖人之舉萬物而皆備者則與天地之無不持載無不覆幬者同流焉自其無一時之間斷者言之運（彼）而不息四時日月之行明也聖人之應萬變而不窮者則與錯行代明者合一焉觀仲尼者觀之天地而已矣。此言夫子之德同乎天地也承上節來蓋上已具聖人之德非至比方有聖人之德也作文先講天地字以聖德配之（前二句以廣大悉備言後二句以流行不息言持載）覆幬（即下並育並行）只是大德一邊意而不害不悖小德一邊

意在其中錯行四時更迭無止息也。

萬物並育而不相害道並行而不悖小德川流大德敦化此天地之所以為大也。

夫仲尼之德固天地之德也而不觀天地之所以為大抑何以形容之哉誠以天覆地載萬物並育於天地之間而不相侵害

焉四時日月錯行代明於天地之間而不相悖焉夫並育並行

若幾於無辨矣而顧不害不悖者果孰為之區別乎哉蓋太極判

而為陰陽陰陽判而為五行一本散於萬殊者有小德焉以物

則各一其性也以道則各一其運也萬乎天下之氣者亦萬乎

天下之理而所以不害不悖者胥此矣不曰小德之川流矣乎

夫不害不悖若幾於無統矣而又並育並行者果孰為之綱維

哉蓋五行一陰陽陰陽一太極而萬殊原於一本者有大德焉



物得之以立其本也。道德之以運其神也。貞乎天下之一者，統  
乎天下之萬，而所以並育並行者，胥此矣。不曰大德之教化矣  
乎。夫有小德以主其分，則言用而體在其中；有大德以主其合  
則言體而用在其中矣。此天地之所以為大也。若乃輕清之浮  
重濁之凝，特其形氣耳，可以言天地，而豈天地之所以為大哉。  
由是觀之，聖人之泛應曲當，即小德之川流也。一理渾然，即大  
德之教化也。此所以帝王天地之兼該而與天地同其大興。  
此言天地之道，以見上文取譬之意也。物指萬物，言道指四時  
日月，言不害不悖，就並育並行處見得。並育並行，統而言之也。  
不害不悖，析而言之也。此是同時事故，以分合論，不可以先後  
言。並育句指上文天地二句，並行句指上文四時二句，講萬物  
二句俱就迹言，川流二句俱就理言。此字指大德小德言，交互

說所以字亦非推高言只就大德小德上見之

至聖章旨 首節言聖德之全二節言其能積中而發於外三節是形容其積中發外之盛末節則指其發外之盛者而贊其同乎天也此章為小德川流時出二字極重

唯天下至聖為能聰明睿知足以有臨也寬裕溫柔足以有容也發強剛毅足以有執也齊莊中正足以有敬也文理密察足以有別也

此承上章而言小德川流亦天道也謂夫聖有未至者有未備也唯天下之至聖也具生知之質為能聰無不聞明無不見睿無不通知無不至足以居上而臨下也自其仁之德言之廣大而不狹隘優厚而不急迫和粹而不慘刻巽順而不乖戾斯則仁之至而天下皆吾度內矣不足以有容乎以義之德言之奮發

而不因循、有力而不委靡、直遂而不屈撓、矜持而不間斷、斯則義之至而事變雖多、莫能奪之矣。不足以有執乎。以禮之德言之、齊焉而心思之統一、壯焉而心體之端嚴、中焉而無過不及焉、正而不偏、不倚、是能有禮之德、所謂篤恭而天下平、端拱而天下治者、其本已豫於此也。以智之德言之、文焉而煥乎其有章、理焉而井乎其不紊、密焉而極其詳細、察焉而極其明辨、是能備智之全、所謂見天下之賾、斷天下之疑者、其本已定於此也。是則聰明睿知之質、既妙於生知、仁義禮知之德、獨全于固有、聖德之備有如此。此歷舉聖人之德、在至聖、截為能貫下五者說、作文以聰明句、另講下四項、分對字眼、俱要明白、足以字宜玩、皆就未發時言、聰明是質、下四句是德、聰屬耳、明屬目、然所以視聽者、則本於心也、睿知則純以心言、睿者思慮之

通微知是其心體之明處。臨謂君臨天下也。此二句是包說下四段。是細分仁義禮知說。聰明睿知及寬裕等俱就心上言。或曰生知之知屬知。仁義禮知之德屬行。非也。生知中包得安行意。五者之德所謂全體之分。各有脉絡者。故曰小德川流。質與德皆是自然者。勿以用功言也。然總來只一箇德。非真大分別也。

### 溥博淵泉而時出之

聖人於五者之德而能充積於中也。吾見盡事物之多而無所不該。極天下之大而皆為吾有。何溥博也。萬感俱寂。杳乎莫窺。其此一源停蓄。取之不見其窮。何淵泉也。夫惟溥博淵泉也。由是時當居上。臨下也。則聰明睿知之德出焉。時當容執敬別也。則仁義禮知之德出焉。隨其事之所至而應以理之當然。泛應

曲當無少差謬就非溥博淵泉者為之哉。此總上節而言其積中發外之盛也。積中指上句發外指下出字。淵泉是借字眼非譬喻也。溥博四字即上聰明等非深一層也。時出即上足以字蓋足於用者皆見於用矣。時蓋可用出來之時也。天下萬事萬物巨細精粗無不兼該是溥也。所謂周徧近自几席之間遠至天下之大無不備具是博也。所謂廣濶大本者天命之性天下之理皆由此出道之體也。此淵泉之謂也。淵泉二字俱重只是萬物皆備於我。溥博淵泉俱要體貼心上說。時出方在外也。此節事上節已有了。若總上節出了串講無淺深有開合。

溥博如天淵泉如淵見而民莫不敬言而民莫不信行而民莫不悅

夫聖人之德如此果何以擬其德之盛而驗其出之時哉。溥博

莫如天而聖德之溥博亦如之外此不足以擬之也淵泉莫如  
淵而聖德之淵泉則如之外此不足以擬之也其充積之盛有  
如此以時出言見焉而為德音之秩非以施信於民也而民莫  
不作肅言焉而為德音之秩非以施信於民也而民莫不作樂  
行焉而為德政之施非以求合於民也而民莫不悅此不足以  
驗其發之時耶蓋時者當可之謂也使所出者有一之未當安  
能使天下之人皆敬之信之悅之若是乎。此只申明上節意  
非深一層也天與淵以形言見謂動作威儀言謂號令訓誥行  
謂禮樂形政此皆聰明睿知仁義禮知所發也敬信悅重在上  
之人聖德時出意不重民也

是以聲名洋溢乎中國施及蠻貊舟車所至人力所通天之所覆  
地之所載日月所照霜露所隊凡有血氣者莫不尊親故曰配天

夫以充積之盛而發見當可如此則其所及寧有窮乎以言乎  
內則聲名洋溢乎中國焉以言乎外則蠻貊亦且施及焉極其  
地而言舟車所可至人力所可通誠不得而測其際也天之所  
覆地之所載日月所照霜露所隊誠不得而窮其極也其間惟  
物類之無情者斯已亦矣凡有血氣而為人者莫不仰其君臨  
之化而宗冒之以為天下王者有同尊焉莫不賴其子惠之仁而  
怙之以為民父母者有同親焉是則體物而不遺者天也仁萬  
物而無外者聖人也謂之曰配天不其然乎是則聖德備於己  
而功用及於天下備於己者積之而如天淵則天德純矣及於天  
下者極之而至於配天則王道溥矣非天下之至聖其孰能之。  
止言所發之當此承言所及之廣而贊其同乎天也尊親是其  
承上來聲名貫中國蠻貊舟車以下只是極中國蠻貊而言

也。聲名洋溢於施及是華夷之人皆敬信悅也。莫不尊親正見其有聲名也是盡天下而皆敬信說此節是德之所到也。配天不以形體言就德之所及言。

至誠章旨 首節言至誠功用之自然次節是申言其妙三節則極贊其妙也。總見天道之極要體認大德教化意。

唯天下至誠為能經綸天下之大經立天下之大本知天地之化育夫焉有所倚。

承上章大德敦化而言亦天道也。謂夫天下之理原於造化具於人性見於人倫固夫人之所同得者也。但誠有未至則倫有未協性有弗盡而與造化不相通矣。惟天下之至誠極誠無妄故於五品之人品倫而為天下之大經者為能經綸之為父而慈云云也。於所性之全體而為天下之大本者為能立之雖未



見於事也。而所以應事接物而不窮者，其理莫不包括於中。是有以立本矣。於一元造化而為天地之化育者，則又為能知之。蓋天地化育，即大本之所自來，而大經之所從出，亦一誠而已。聖人之誠，與之默契其感而遂通者，即其誠之通，其寂然不動者，即其誠之復，非但聞見之知而已也。夫若此者，豈倚著於物而後能哉？經綸者，道以誠立也。立本者，性以誠盡也。知化則其誠之至於命也，一皆自然之功用耳。此言至誠之功用，一無為而成也。至誠略斷化育，截為能二字貫下。經綸三句平看，俱要在至誠身上說。大經是率性之道也，大本是天命之性也。化育是天之命也，經綸便是致和。經者理其緒而分之，如君是君，臣是臣，父是父，子是子，各有條理，一定而不亂也。綸者比其類而合之，如君臣之相敬，父子之相親，其倫類自有相合也。立

便是致中重無一毫人欲之偽以雜之上知非聞見之知要說  
得天人無二道意蓋天地有比至誠之道聖人亦有比至誠之  
道然亦是經綸立本處知之也夫焉有所倚者朱子曰自家都  
是實理無些欠缺經綸是經綸立本是立本知化是知化不用  
倚著別物然後能如此也上章以五德分說非小德川流乎比  
章經綸立本知化是以五德合說非大德敦化乎

肫肫其仁淵淵其淵浩浩其天

夫至誠之功用既出於自然矣而其盛何如哉是故自經綸而  
言之固至誠之仁也是仁也豈粗略云乎哉本之以不容解之  
心而思無不篤發之以不容己之意而愛無不周何其肫肫而  
懇至也自其立本者言之固至誠之淵也是淵也豈淺近云乎  
哉凝湛一之真裕逢源之用其淵淵而莫測乎自其知化育言

之固至誠之天也是天也豈可以限量窺哉達觀乎大經之所  
自來而溥博之中涵者自底於莫禦之盛洞察乎大本之所從  
出而含宏之內蘊者自極夫無外之神其浩浩而廣大者乎。  
此申言至誠功用之各極其盛也上文經綸立本知化處已說  
其仁其淵其天了講此節須先提仁等字重把肫肫淵淵浩浩  
上發揮三句通以心言至誠貫肫肫其仁道以誠行也淵淵其  
淵性以誠盡也浩浩其天命以誠立也一心之誠而功用各極  
其盛如此其斯為天道之極致與。

苟不固聰明聖知達天德者其孰能知之

夫其經綸立本知化如此其盛此惟天下之至誠而後能全之  
亦惟天下之至聖而後能知之也苟質非生知而未能實有乎  
聰明睿知之資德非天德而未能妙契乎仁義禮智之極則心

非至誠之心而見不免於凡近知猶滯於推測所謂經綸而肫  
肫其仁立本而淵淵其淵知化而浩浩其天者其孰能知之夫是此精義也以  
聖人而後能知則至誠之道真至妙而無以加矣。此重至誠  
功用之妙意不重聖人能知上聰明聖知即上章生知之質天  
德即上章仁義禮智之德達是通達無間當輕輕看者字指至  
聖之人言至誠至聖本是一人但此語意作兩人看耳知之字  
要總接上文來講。

衣錦章旨 首節言入德由於為己知幾也次節引詩言謹獨之  
事所以著入德之功也三節言存養之事見為己之益密也四  
節引詩言民化之事所以著為己之效也即入德之效五節引  
詩言化成之事見效之愈遠也末節引詩申替篤恭不顯之妙  
所以極下學之功。

詩曰衣錦尚絀惡其文之著也故君子之道闇然而日章小人之道的然而日亡君子之道淡而不厭簡而文溫而理知遠之近知風之自知微之顯可與入德矣

君子之為學也自期固貴於高遠用功實始於卑近故此章承上章天道之極致而反求其本於為己謹獨遂推之以致其極蓋約一篇之意而通叙入德成德之事也謂夫為學莫先於立心立心莫先於為己觀諸詩曰衣錦尚絀夫衣錦則文外著矣而必加以以絀者其心正惡夫文之著而故晦之以崇其質也故君子之為道也務實而不務名務內而不務外闇然而已而美不容藏自爾其日章焉若小人之為道也無而為有虛而為實的然示人矣而有不可繼終歸於日亡而已然所謂闇然日章者何如蓋凡淡者易至於厭簡者難乎有文溫者難乎有理

也以君子之道言之動率乎所性高遠非所尚矣而道腴之真  
寓焉淡而實不可厭也質任乎自然繁縟非所重矣而篤實之  
光存焉簡而未始不文也和厚以近人圭角非所眩矣而是非  
之辨明焉溫而未始不理也君子立心為己而闡然之中有日  
章之美如此以其有真實之心而又有真實之功也使或不知  
當謹之地而盡下學之功則無以充其為己之心卒終於闇然  
而已何以能日章乎是故近者遠之幾也君子以我而觀物則  
知遠而在物之是非由近而在身之得失蓋遠不始於遠近不  
終於近也自者風之幾也君子以心而觀身則知風之在身者  
有得失由其所自之在心者有邪正蓋其外如此所存可知也  
微者顯之幾也君子以內而觀外則知邪正之存於心雖甚微  
而見之身與物則甚顯蓋有諸中者必形諸外也知幾如此夫

既有為己之心而又有知幾之明則知其所謂自者近者微者不可不謹能知所謹則見於外者亦將有得而無失見於彼者亦將有是而無非可與入德而馴至於聖人之域矣是為己者入德之本知幾者其入德之門也。此章是結尾與首章相應所謂一部小中庸也。此節言君子之學而要其德之所由進著也。截詩不可講惡其文之著正解詩意未說君子身上文非君子所惡但惡其著耳惡字正見其立心處。註古之學者二句止應此二君子之道道字皆虛只是言君子之所以為君子小人之所以為小人也。小人二句輕自闇然至溫而理言君子為己之心也淡而三句闇然日章之實然只是君子立心為己之模樣非是實事闇然指在外說淡簡溫闇然處也由其絢之襲於外也不厭文理日章處也由其錦之美在中而自見於外也大

凡立心為己之人不求人知無許多炫耀動人處本淡也無許多  
多貴飾觀美本簡也無許多圭角異人本溫也然實心所存自  
有耐久之味則不厭自經緯而不陋則文自條理而不混則理  
此皆根立心為己發揮皆以知行貫遠以人言近以身言兼得  
心風以身言上行下效謂之風出身加民亦謂之風自以心微  
言微亦以心言不出乎近與自之外顯以身與物言不外乎風  
與遠也此是知幾入德重知幾上而為己則其大本也蓋知遠  
之近則不敢忽乎近矣知自微則不敢忽乎自與微矣觀可  
與字尚未有工夫只是言其可入德耳註謹字且未可露出德  
字未可輕看即不顯之德也

詩云潛雖伏矣亦孔之昭故君子內省不疚無惡於志君子之所  
不可及者其唯人之所不見乎



夫然則知所謹而可與入德矣。然謹之之事雖伏矣亦孔之昭何如詩云潛蓋言

獨之當謹也。君子之實心知其當謹而致謹於此故內省不疚

而有順理之體休然後無惡於志而無愧怍之累此正君子之不

可及者而要其所以能然惟在於人所不見之地而致其謹以

過人欲於將顯所以內省不疚無惡於志而為人之所不可及

也此省察之事為己之功也。此引詩與別引詩不同要講透地

所謂莫見乎隱莫顯乎微潛伏是隱微意孔昭是莫見莫顯意

孔甚也此與下條俱要根上為己而知幾來蓋有為己之心必

須用為己之功知所當謹必須能謹方是實下手處謹獨工夫

藏在故字上內省二句作己能者看連講不可及指內省二句

也人所不見有謹獨工夫在詩詞與不及見皆以獨言

詩云相在爾室尚不愧於屋漏故君子不動而敬不言而信

夫致謹於人所不見其功密矣而猶未也抑之篇有曰相視爾所獨之室庶幾不愧於屋漏觀詩之言則戒謹恐懼之功尤不可忽於不覩不聞之際矣故君子實心為己而謹之又謹動固敬矣雖未動之先而敬心常存不待動而始敬言固信矣雖未言之先而信心常存不待言而始信也此則存養之事為己之功益加密矣德不於是而入乎。上言致謹於人所不見此言致謹於己所不見也不動不言即不睹不聞也敬信即戒懼也不動不言申爾室意此時未有事而敬而信申不愧屋漏意俱在心上說看來此兩節亦不宜分動靜只是說工夫已密而益密便了都是就靜邊說動處頗略。

詩曰奏假無言時靡有爭是故君子不賞而民勸不怒而民威於鈇鉞

夫為己之功既盡，則德成於己而化自及於人矣。詩曰：有主祭者，極其誠敬而無有言說，助祭者成無失禮而時靡有爭，蓋言顯若速於有事而下觀，昭於有象也。是故君子密存省之功以造於成德之地，雖不必賞之使民勸也，而民之遷善者自勸焉，而甚於賞之也。雖不必怒之使民威也，而民之去惡者自成焉，而甚於鈇鉞也。夫不賞不怒無言之體立矣。民勸民威靡爭之用行矣。即是而不可以觀成德之化人乎。及於此下兩節乃成德之效也，亦不可缺工夫。不賞不怒申無言意，湏入德意與下篤恭一例。但此則淺些耳。不賞二句，平民勸民威申無無爭意。

詩曰：不顯惟德，百辟其刑之。是故君子篤恭而天下平。

夫謂之曰勸，則猶知有感，謂之曰威，則猶知有懼，未見其化之神也。周頌之詩有曰：有不顯之德者，百辟其刑之。蓋言天子不

肅而嚴諸侯無為而化也是故君子克尚絅之心敦闇然之寔  
由存省而造其極會動靜而全其功至於篤恭之地焉幽深元  
遠非若奏格之措可以形容也由是敬德薰蒸誠意感召而天  
下自平則天地可位萬物可育而不見其跡豈但民勸民威而  
已哉夫一人篤恭於上不顯之德妙矣而要即闇然之心克之  
也天下治平於下百辟之刑昭矣而要即日章之美致之也卽  
是不可以見德之愈盛而化之愈神乎。君子卽謹獨之君子  
篤恭是篤厚其恭敬而無形迹之顯與恭已不同彼有形迹而  
此就德言也天下平說得廣篤恭卽致中和天下平卽位育也  
末當繳出德妙於無迹而化及於無外意然細看天下平內亦  
當說得好蓋亦無心之化也。潛雖至此以功效作主以敬為  
要其惟人之所不見者敬於將盟也萌不動而敬不言而信者敬

於不覩不聞也不賞民勸不怒民威者敬之深而效之遠也篤  
恭而天下平者敬愈深而化愈廣也始終一於敬而已然不過  
自為己之心推之也

詩云予懷明德不大聲以色子曰聲色之於以化民末也詩曰德  
輜如毛毛猶有倫上天之載無聲無臭至矣

然是不顯之德未易形容也皇矣之詩云予懷明德不大聲以  
色斯言也若可以擬其妙矣然孔子則謂之曰聲色特化民之  
末耳而此曰不大則經綸之迹難以擬至德之淵微而所謂不  
顯者末也蒸民之詩曰德輜如毛斯言也若可以擬其妙矣然  
吾以為毛猶有比類之可言則法象之粗難以盡至德淵微而  
所謂不顯者末也惟夫文王之詩曰上天之載無聲無臭夫聲  
臭有氣無形至微妙者也而猶曰無之則微而又微妙而又妙

非若不大聲色，又非若德輶如毛，而猶有倫者也。以是而形容不顯，篤恭之妙，則無以復加。至此乃有以會天命之性，而中為庸之極功矣。然非有為己之心，而加下學之功，亦安能至是乎。○重形容上，要見一節深一節意，宜相推說去，不必截聲是號令，色是威儀，輶字訓輕，字引來只重細微意。毛尚涉於形迹也。以聲色貫亦好，至字當以上二字未盡其妙，伴講謂以此形容未至也。惟上天云云，乃為至而足以盡其妙，須知雖形容不顯，篤恭而天下平的意思，自該於其中矣。按中庸一書作五項看，首章是一個冒頭，君子中庸以下十章是第一支，貴隱以下九章是第二支，自誠明以下十二章是第三支，末章是一個結尾也。其節解即在首尾支體中，而脈絡貫通於其間矣。

中庸意下卷終

大學記

大學之道章

端文顧公著

大人通天下為身故其學通天下為學明德者天下共明之身也  
而明之自大人身始所以大學之道在明明德明之如何若堯之  
光被四表格于上下所謂克明俊德也其德則欽明文思濟哲文  
明也其工夫則惟精惟一也此一句已括大學而又曰在親民  
何恐人認此德是一己之德特指其血脉條理與民親切相闡處  
明即同明暗即同暗無一人可漏無一處可隔所謂脩己以安百  
姓一夫不獲時予之辜也然而必曰在止於至善何見得此德無  
別樣明至善是本性來純是這至當不易道理吾適止於是更  
無一絲班駁夾襍何等光明明之所在在此而已明者明此善止  
此善得者得此善其晉明明德工夫知止焉盡之矣知止工夫格

物○焉○盡○之○矣○知○到○止○的○所○在○真○是○性○精○性○一○為○君○便○止○仁○為○臣○便  
止○敬○為○子○為○父○便○止○孝○止○慈○件○件○傳○當○事○物○一○光○明○定○靜  
安○慮○中○自○有○此○真○得○正○不○須○物○執○着○事○安○排○不○是○本○末○終○始  
一○以○貫○之○道○也○何○則○有○本○故○也○譬○如○樹○木○有○此○本○根○便○有○此○枝  
葉○何○嘗○本○外○生○末○如○此○開○花○便○如○此○結○實○到○得○結○實○依○舊○萌○芽○何  
嘗○終○則○無○始○夫○身○亦○然○自○明○明○德○之○謂○脩○明○明○德○於○家○於○國○於○天  
下○之○謂○齊○治○平○本○末○終○始○共○脩○一○大○身○而○已○是○以○大○學  
自○天○子○至○庶○人○一○是○脩○身○為○本○格○致○以○精○之○誠○正○以○一○之○如○此○以  
明○其○明○德○也○明○德○於○身○即○明○明○德○於○天○下○矣○物○有○本○一○節○全○為  
揭○起○一○本○字○知○得○這○本○真○切○然○後○事○物○一○線○貫○到○底○更○無○兩  
個○格○物○者○格○透○此○本○每○有○個○至○善○所○在○也○如○舜○祇○載○克○諧○徽○典○叙  
授○工○虞○教○養○各○得○其○理○真○是○善○格○物○如○本○文○好○惡○欺○慊○上○下○前○後



左右本末內外等皆格物也。自明章專言明德，盤銘章將明德連親民說，曰用極即止至善，亦該言之。邦畿章言知止能得，所謂君子無所不用其極也。聽訟節畧舉使無訟之旨，而脩身為本了然矣。即知本即知之至，而格致之義了然矣。可見格物致知原未曾缺亡。細看下文誠意幾章，那一件不是脩身為本。

大學之道，其道大。故其學亦大。此是千古學脈。大在心體，渾全處說。只一明明德，盡之親民，即明明德於天下也。親字不必作新字。合下便見得天下國家是推不去的。為吾性分內事，何等親切。此德合衆人以同明，已德未明，自然不能親民。民有未親，還是已德不明，所以堯舜猶病，而其學脈只在精一。後邊格致是惟精工夫，誠正是惟一工夫。無非尋求到至善處。若夫雜一毫不善，便是明鏡中着了一點疵翳，至善正所謂明德。明德只是個良知。良知本

於○繼○善○之○性○即○是○至○善○原○來○純○粹○中○正○一○毫○不○容○偏○駁○其○要○在○于  
明○而○止○之○止○至○善○正○所○以○明○明○德○也○至○善○無○時○不○有○止○亦○無○盡○頭  
處○然○學○者○入○手○之○時○轉○在○毫○釐○有○似○至○善○而○實○非○至○善○者○頭○路○易  
差○最○難○剖○析○故○非○知○不○可○曰○知○是○會○其○德○之○原○明○處○也○知○則○於○德  
體○中○實○見○得○個○定○靜○安○慮○的○本○來○止○者○即○常○定○常○靜○常○安○常○慮○之  
謂○故○知○止○則○止○中○之○真○境○一○：○現○出○此○心○本○體○至○善○無○形○是○極○悅  
惚○的○道○理○到○此○則○心○體○處○：○：○湊○合○成○了○極○實○在○的○學○問○故○曰○得○後  
章○說○文○王○緝○熙○敬○止○而○無○所○不○止○是○能○得○的○榜○樣○究○竟○功○夫○原○非  
玄○遠○只○要○知○本○而○已○本○末○一○物○本○自○該○末○而○事○之○終○：○此○事○之○始  
始○此○本○末○終○始○一○以○貫○之○：○道○修○身○為○本○是○也○知○先○後○則○知○本○矣  
提○得○本○處○清○道○終○有○穩○領○脉○絡○終○貫○通○故○近○其○吃○緊○只○在○格○物○家  
國○天○下○無○非○是○物○身○心○意○亦○無○非○是○物○一○知○即○致○一○致○即○格○如○燈

照室如日中天萬物皆備  
身故曰脩身為本脩身只完得明德此身就是天地萬物一體  
上來心意知為內身家國天下為外身脩則無內外之可分體受  
歸全純然天理親疎物我一體同條從此明德即從此親民一以  
貫之故曰本也是在條目中揭個本體末節反結正見本之為重  
意

克明德章

此章不是解明德是解大人之學在明明德堯湯文都是古之明  
明德於天下的大人然吃緊在認真一自自明自己一了百當所  
謂脩身為本也此自不是私自利之自正是先聖後聖同源的  
所在天子廢人合脉的所在誰人無自分骸不分性命世教之  
殊道揆則一堯湯文之脉絡何非即義軒虞夏的心傳堯湯文之

本體何非即顯蒙夫婦的恒性。但古大人多矣。獨舉堯湯文者何。  
文蒙難。艱貞其德。處晦能明。湯曰。台有慚德。却仍是順天的。故接。  
明命一言。見其德可。曾上帝何等光明。願諛者只是虛靈無一些。  
昏昧到底與天命不相違也。堯開帝之首。若其德只庸常。何。  
以冠百王。謂之曰峻。乃魏乎蕩乎。民無能名。然正是光被四表的。  
種子。三聖終可為明明德的榜樣。而明德原是我性中自有的。明。  
明德便是自明自性。若失其所為明。則亦失其所為自矣。著一皆。  
字見千聖的傳。只此一脈。此明明德。所以為大學也。孔子之經。應。  
與典誥並垂不朽。

湯之盤銘章

新之為言。只剖露他潔淨本體出來。如日月中天。光耀常新時。  
精彩刻。明瑩。日比。苟日又別。又日比。日日又別。就是無所不。

用極的樣子作新新命就是文武之日新又新也所新雖在民作而新之：机實在我：之自新有息則彼之作新亦息矣作新者鼓舞振作從污俗中重提出個原新的民來天視自我民視天聽自我民聽天人一理民之新與命之新非二也玩其命二字指舊邦之精神命脉言蓋於民之新上見其國家命脉之煥發也新之不已便是極處蓋事：有極息：有極一日自有一日之用極若今日如此用明日不如此用即是不新若今日如此用明日只如用亦是不新是故君子通已與天無所不用其極：字有何境地可指正在用處見得用則愈無極却不容不造其極正新之象也傳者歷引三王摠是唱起末句儼然有考三王俟百世之意

邦畿章

通章重示人知止。文王敬止其極則也。君臣父子等彝倫日用各  
有個當止道理。真是惟民所止。不是聖人止得吾人止不得的首  
節。民字正與三節五人字相應。見人之所以為人。原有此止。借鳥  
為喻。只重人決當知其所以止。意知字即首章知止之知。乃明德中  
之覺性也。又特借文王以歷標所當止之處。五者之止皆其敬心  
運用。纖微畢貫。合下便完。全十分滿足。心體上本合如此。聖  
人恰好如此。無些子欠缺。五止亦只一月落萬川處。皆圓實  
無二月。總是至善在心。隨處發現。遇君臣即敬。遇父子即孝。  
即慈。與國人交。即信。然此亦只完得個人身上事。文王何以異於  
人哉。若以文王為不可及。即如衛武公下手功夫。不從學修做起。  
乎切。磋是理欲上挑剔。得十分明琢磨。是這私欲磨刮得十分盡  
自字可玩。自家自心自家脩理。即自明之義。下此等功夫。把許多

妄念私意都掃除了。而此心純是一個嚴敬。更無餘物。是謂恂慤。幾與文王緝熙敬止。一般威儀。即恂慤之發於外者。此表裡自然之符。其盛德在躬。正所謂至善。至于民不能忘。幾與親賢樂利。沒世不忘。一般世守其功。令至善所貽之謨也。世席其成業。至善所貽之烈也。優游於太平之福者。至善之流風也。安享於永賴之休者。至善之餘澤也。此就是君子。小人止的。而在可見。人。有。所。止。人。自。知。其。所。止。而。已。

### 誠意章

吃緊說個毋自欺。見誠意更無別法。只不要瞞昧了本心之知。任他輪廻變幻。而真種子却未嘗斷。故誠意者在直認取本心。依着良知。運用自家。曉得即自家不肯瞞過。毋字有斬釘截鐵。毅然斷之。意如惡三句。正形容毋自欺光景。好惡起念處。是意好惡第

一念是誠。若轉第二念，便是自欺。非於戒欺外，別有求慊功夫。此之謂三字。正與所謂相叫應言必如此。而後可得吾心快足耳。而用功全在慎獨上。慎獨者，慎於未有意之先。說然後戒不慊。求慊此已晚矣。惟是獨體良知炯善善惡惡了然分明。一些罅味不得。正須自家認取。謹嚴不放。更不作第二念頭。自然常慊無欺。小人間居一段，是其獨之積。欺正傳者，指點人處。甚是吃緊。不曰視之。而曰視己。自家肚裡，過不過也。何益。照上而后字，都原初不謹到此。終方拚著。亦已無及。有咨嗟痛惜。覺發其良心。意常人者，中外是兩截。所以有慎有不慎。君子者，中外是一的。所以不畏眾而畏獨。其慎獨之嚴，不論形與不形。就此幾微獨體，乃是十日十手指視叢集之地。即欲不潔淨盡。自家畢竟放寬。不過惟嚴便不容不慎。能慎獨，則意識誠意是當下工夫。就是明明德。故直以德。



與之意是心身交關自欺不誠便見出許多消沮閉藏情狀未慎  
獨而誠便顯出潤澤廣辟境界來意豈可不誠得君子而不誠意  
明德一闕即從此蔽障了安能令此心此身復與天地萬物同流  
暢乎為此之故君子所以一味慎獨求毋自欺而已

所謂脩身章

正心修身功在誠意中茲復舉身心相關處言之不但說心為形  
君其實除却正心別無修身法蓋修非修其軀殼修其空洞  
一塵不滓者也修其靈瑩而遂通者也所以喜怒哀懼之身  
遂養之於未發之中視聽飲食之身必授之以皆中之節四個有  
所是從軀殼上起念物不化則此心偏倚失其澄湛之本體故曰  
不得其正見非原來不正也人心原來至靜亦至動如鏡子隨照  
隨滅故常照若有個影子在鏡上便不受照了聖人之心無在故

無不在常人心。心有所在，故有不在。視聽飲食，盡不得修身事。只舉此以示例。其視以目，不以心；其聽以耳，不以心；其食以口，不以心。故不見不聞，不知味，就是粗而易見者。已全不領得，况乎其深乎。此謂二字要得結意。正心修身，不粘上二節。這在字是尋，那不在的。去處而着力，挽回意。身心無二，裨正修無二功。看上兩條可見。不正之心，邪即生。身修於何補已正之心，身即歸正。無所事修。

### 齊家章

脩身者，明明德於身也。身有明德，可以喻國人，可以絜矩於天下。况家乎。如身一不脩，則德體受蔽，好惡偏了。即家人之情，有美有惡，有美中之惡，中之美，莽然不齊。吾俱不能以虛心照之情之所往，而不返。辟字從之字生，來五辟就是不能知處。只這眼前情事，明白易見的，儘自不能知。儘有大差大謬，而不自知。平日格。

致功夫何在引誘作証。揔見其辟不曰人不知而曰人莫知。所謂鮮也。兩節俱言身不脩如此則非惟家人不聽我齊我亦齊不得家了。末節不可二字屬齊家者身上說。口氣吃緊正與壹是皆以脩身為本相關應。

### 治國章

齊治無他仁讓而已矣。仁讓無他孝弟慈而已矣。事君等不作推原說以此心而事親則為孝以此心而事君則為忠。隨在異名耳。但今人所令未有不喻其孝弟慈的然而卒不能喻所好非也。故一國本一家一家本一身一身本一心。果好之不令而行今出手身的好則藏乎身的所謂誠意也。引誠求的正指真心之自然流貫處言之。若待學而能則便不誠。求而後求即心誠求之也。如方此喻諸人即不中不遠也。恕之可行者誠也。藏對顯言藏身於

恕則恕之熟而渾然仁體即堯舜之帥也者那與民興讓一机相  
暗藏身喻人。一恕相通治不越齊其故洞然故治國在脩身以齊  
其家也。修其身終可以言教身不修則我無可以教家者故首節  
不可教正與後而后可教而後民法相關引詩見國之人民喻吾  
之恕從吾之帥而共興於仁讓光景其實歸結有國者身上去宜  
之者身也。足法者身也。故曰壹是皆以脩身為本末此謂二字指  
詩所謂也與故治國不同。

平天下章

大原在於慎德。所慎之德就是明德。老老三句正是明明德于天  
下處而明德有同然。須要繫矩從藏身之恕而出之。此道可行天  
下而不窮。上下前後左右已盡了。天下的人了。分明畫出個矩字  
模樣。以見六面皆平。若有一處不平。便不是矩。繫者不是空。按

度有許多運量處置在下文理財用人都在內理財用人固不  
平對然天下所以平不平只此兩件相關的君子平日所圖國  
事心念只要慎德以愛民自然不外本而內末就是生財亦  
自有大道所以天下人心並無不平好義終事其實証也用的  
人平日所議論的畢竟以慎德為迂圖以貨殖為長策剝民自  
那一事不是施奪之政那一件不是悖入之貨所以天下人心個  
個不平災害並至無可救藥其實証也究竟耶人之失全由誤用  
一媚嫉相臣其人原無學問識見陋劣所以有技彥聖不為之用  
而羣小狎至與利之言易入乃專朴根源全由人主不能清心寡  
欲自慎其德一團私意做了不仁種子所以民之所好惡之民之  
所惡好之亦且有內多欲而外施仁義者不忠不信却繫矩之道  
弥遠甚哉有國者不可不慎而慎必以德出之必以忠信是所以

清。絜。矩。之。源。也。

中庸說

天命之謂性章

人只看道是人為的便欲各立法門故其教往來索隱行怪甚而  
逆旅天地芻狗萬物把子臣弟友大倫都蔑棄不管所以為小人  
而無忌憚殊不知道率之性一毫矯強不得性命之天一些安排  
不得脩道君子知這個道是不可須臾離的道即命即性性命之  
理無息不流一息離道即性命一息斷絕矣不可離二句正解率  
性以下則解脩道脩道者脩之以復還本性脩之以合于天天命  
本體原自無聲無臭來的豈可得而聽聞不聞之所便是喜  
怒哀樂未發處常要提起此心在這裡所以立個戒慎慎獨之教  
戒自然慎慎自然恐懼戒恐懼總完得一個慎故下文只拈一慎  
字莫見莫顯與十目所視二句不同此乃有無合一之妙正見道

端文顧公著

不可離處獨者單：一點良知更無一絲夾襍。君子時：穀得此  
獨體現前不增一知識不動一情塵便是慎便是脩道實功。將天  
命本體養到中和極處連喜怒哀樂四者遠歸天命自然一真自  
如萬境不染曰中因而不拂亦化而不留渾是恬然之象曰和未  
發是發的主宰性之渾淪處已發是未發的流貫性之流行處到  
發而中節依舊是未發的氣象。這個性不是一人之性乃天地萬  
物所共根之大本。這個率性不是率一人之性乃天地萬物所共  
洽之達道。兩天下字正對獨字言大字達字正其顯見處。獨惟有  
關於天下所以為莫見莫顯所以當慎：則大者無失其為大便  
是致中慎則達者無失其為達便是致和。即此致中和即此位天  
地育萬物渾是天命克周性真融暢潛伏屋漏自有此通徹三極  
的境界經綸參贊直顯此不暗不聞的精神道如此何等廣大何



等○精○微○又○何○等○平○：○常○：○至○易○至○簡○夫○是○之○謂○中○庸○

君子中庸章

中庸二字不平。中即是未發之中。人能脫得情識時。一切俱是平常事。即聖人也。逞不得一些精彩。說個中庸。便要分割。君子小人所以截然不同處。全在心體上。見個毫厘十里之辨。君子戒懼慎獨。養得未發之中。自然發皆中節時。是中小人全無戒懼工夫。只管任情作意。胡亂做去。托名中庸。以逞其無忌憚之私。實則與中庸相反到底。君子中庸。謂此中庸完全在君子身上。即君子即是中庸也。終說小人便是反中庸。其無忌憚處。絕似君子之時。中而只是心腸不同。豈可模糊相混。假如唐虞授受。湯武征誅。周公制禮作樂。在聖人不過迫而後動。不得已而後應。無非時中。小人依樣做事。自以為中庸。却都是無忌憚。

中庸其至章

中庸天下之達道。便是天下之至道。極精粹。極純懿。乃到頭地位。愚不肖。減不得一分賢。知增不得一分如何。鮮能之久。上無條道之教。故下多離道之民也。人：求之庸言庸行之外。下章鮮能知味。即是此節註疏。

道之不行章

知是行之明。覺精密處。行是知之真切篤實處。惟知得方能行。必能行方是知。知行合一。只為不曾體認自家性體。却湏扣道之影像處。方個意見。生個執着。不覺隨其氣稟。失之過不及了。夫子把賢知人與愚不肖一例。着煞有深意。次節人字。直頂首節。直說盡知愚賢不肖。無人在道。中道是人之日用飲食。同得是性。同率是性。原是不可須臾離的。何為人：自相離遠。都昏昧。

浪過一生更沒一人解得明是當面蹉過也

道其不行章

道豈其不行其不行者固自有不得辭其責者在自此以下都從鮮能知味知字引發議論

舜其大知章

天命之性空洞此中靈明圓照周遍六宇原無一人可隔碍所以聖人無彼無我無遠無適祇覺狂夫可擇藟莠可採自然好問好察有個我己不己的意味通言發自恒人之口不經思慮未落意障已寓至理儘堪咀嚼問者天籟自鳴察者天倪自動皆本於自然而然更無掛碍透隔故曰好就茲問察中善還之善惡還之惡絕不留一毫意障合衆論不同之極而酌而量之參而詳之是以有其中究竟中不自我用而用於民似鏡照物照原依物鏡

體何與斯。其虛明何等廓徹。無間舜之所以為舜。具在於此。若以舜一人心思耳目求舜。不幾遠乎。

人皆曰子知章

予知二字。正是賢知。一生受病處。予知即不肯居易。平常依着道理上行。却一味行險。弄出罟獲陷阱。自家驅陷其中。而不知辟。可謂大愚。予知即不能戒慎恐懼。從性命中討個道理源頭。却將聰明意見。擇取中庸。終身無可依據之地。不能晷月守正。是隱怪引之而去。亦真是大愚。

回之為人章

中體惟一。中之用有萬。擇中庸者。擇此善也。非合理欲而擇之。其毫厘之辨。正在天理中。同原而異派。處分別出來。去其不一者。以歸於一。此所謂繼之者善也。得一善。終是中庸。乃為人的本體見。

得本體自然。戒懼不容已。此便是服膺弗失實。身體力行並無  
些子放逸。能擇所以勿失。勿失正見其能擇。擇亦一無窮。得一  
無窮。服膺亦一無窮。擇即博文之時也。至得一善則知博之未始  
不為約矣。服膺弗失其欲罷不能之意乎。

### 天下國家章

上三句只是以天下所駭為難者形容中庸不可能意。天下事任  
是驚天動地極不是做的才情意見儘可勉強馳騁。惟是中庸易  
而易知簡而易能。然一毫才情意見參入不得。所以不可能。只狀  
中庸之妙與難能有別三者一裁于中庸便是至德。

### 子路問強章

天行健。君子以自強不息。此天命之性也。率性則為中和。一落習  
氣便囿於方所。南北之強一則有意忍人所不能忍。一則平日自

負了死而無悔的念頭俱是氣質之偏。學問正所以變化其氣質者也。君子學問之功勝認得天命本正剛至健脫一切習染而還其本來和不流即是天下之達道。中立不倚即是天下之大本。君子惟率其性而非有心於不流不倚也。有道無道不變正以中和原於天命之性不可得而變也。到底只是不流不倚純是完固的精神自然有壁立萬仞氣象自然在。中庸。

### 索隱行怪章

道也者不可須臾離也。須臾不可離者。畢世弗能已者也。只因名根不盡所以惑於新奇可喜。做得半上半落。隱怪取名決可已得。故決弗為率性謂道。若廢半途直是離性失命。此決不可不為。故決弗能已。知至知終。躍然見有誕登之岍。在雖欲不前。自住不得。工夫若透得這個真机。此處剖得路頭明白。終是見得中庸吾性。

吾命吾依吾性吾依吾命平常沒簡原不足致人知亦無介於  
人不知遊世與辟世別辟者必隱遊者不必隱君子有中庸之德  
而世人自與之相違如天山之兩相望而不相親也不曰聖人而  
曰聖者不過就上君子而直指之言如是則行造其極以至於聖  
君子之能事始畢耳蓋勉人之詞

賈而隱章

賈隱二字離着不得斯道充塞極廣然只在吾性之不睹不聞處  
千變萬化皆從此出以其非君子不能盡故曰君子之道道讓夫  
婦聖人天地萬物在內夫婦聖人天地鳶魚要渾者做一件聖人  
即是夫婦夫婦即是天地鳶魚之飛躍即是夫婦之知能飛躍之  
天淵即是有憾之天地斯道活潑地自彰自著于其間一毫掩  
匿不得一些假借不得但在夫婦曰端在天地曰至還其與知與

能之良。即可以為聖人參贊之極。相忘于天地。有憾之大。便冥合。于不知不能之真。夫婦知能照下文。子臣弟友首章。喜怒哀樂。即愚不肖的人。亦有與聖人暗合處。及其至。就是與知與能之良大段着力不得處。不可以知。知不可以能。能便有聰明力量到此處。總用不着。天地有憾。是因聖有不知不能。更推上一步。只是極形容道之難盡處。道無大小。因語而有大小。載者與所載者皆道也。破者與所破者皆道也。安得而載之破之。引詩與上節意無兩層。特指出真机。以形容道妙舉在目前。察字正與隱字對。與末節察字一般。察乎天地。從夫婦之端而究言之也。與知者不知之端。與能者不能之端。端即至也。君子戒慎恐懼的功夫。即首持之。此故曰造收拾到實體處。將夫婦日用工夫。明個無上易簡至理。見人不必求道於聖人。所不知能處。惟率其夫婦知能之端。則日用。



中有聖人。有天地在。分明將貴隱結。然到人身上。

索隱行怪。正欲知聖人所不知。能聖人所不能也。不知君子之道。即夫婦與知與能之道。及其至也。聖人不知不能。天地有憾。直可存而不論。所以君子語道之大無小。而非大任舉現前。知能而六合之間無所不冒。天下如何載得語道之小無大。而非小任舉覆載。知能而毫芒之中無所不貫。天下如何破得嘗試。仰而觀俯而察。天下有淵。上有天。其間鳶得之而為飛。魚得之而為躍。各率自然之性。道机活。發。合上與下流動充滿。昭著如此。更於何處隱藏。何須別徑。搜索聖人天地所不知不能。正如易鳶而躍。易魚而飛。失其大常。畢竟非道。吾所謂君子之道。夫婦非不足。天地非有餘。端倪具足分量。分量不離端倪。无所不可。知可能而實莫窺其所以。知所以能。夫是之謂貴隱。

道不遠人章

道即在人身上是即物即則者也非有取而則者也所為君子臣弟友是也終日言而不離乎是終日行而不離乎是何必遠為遠為者非道者也非道而并治人是強人以不願者非忠恕之君子也君子以人治人是復其所以為人也改者得其所以為人也道不遠人得其人即得其道止者即此是道之意勿施正為道之事而以己之不願為則故曰其則不遠子臣弟友之求即不願勿施是用力處求者求極其願也庸德庸言兩庸字正是中庸之庸正對遠人為道者說不足有餘心上見得如此愈行愈見不足愈謹愈見有餘故益勉益不敢盡不敢即首章戒慎恐懼有此心神相攝自然言行相顧願行是言之精神全在行處願言是行之精神全在言處內外合一之學君子所以進於誠也故曰慥慥想胡

不爾口氣俱是退步直貼道不遠人不得泥贊美

不遠人即不遠于臣弟友之人也人認以人為道君子直以人  
治人適復其所以為人而止此忠恕之事也若責以過高難能  
之行已必不願人亦必不願從來君子之道四是施諸己而已  
願施於人而人願者也今通天下人豈有子不願孝臣不願忠  
弟不願悌友不願信者乎言此為言行此為庸行正須以忠恕  
實心於有餘不足處著實謹勉子實成其為子臣實成其為臣  
弟友實成其為弟友胡不慥尔真切完全自家性命者耳於  
此見索隱怪一生功夫都無着落

### 素位章

身之所居為位位不能無得要於吾身之無失耳無失莫如素  
素即是中庸即性也率性則素位而行矣起念不依本性便是願

外此性入富貴而不淫入貧賤而不移入夷狄患難而不驚天不能造我榮枯人不能司我順逆廓然平易坦然高明君子而為通天地萬物為大身者也故曰反求諸其身自得之自正己之已總來一個身字不得之外而得之內故曰自得自得者我做得主宰起也把柄在我惟我所置若外物做主便是得物之得却有一個失來相對也正己正是自得來由從君子平日學問功夫上看只是正己毫無願外何等簡易所謂盡其在我聽其在天俟命不在易居之外此正無入不自得處其俟命不是一味任運自家沒了主宰功夫全在正己上故又點出反求諸身與正己相應射者之反身正其正己君子之正己正其反身皆從源頭上着力此之謂素位此之謂居易

正己反求乃君子為己實功連素位而行只作見成說素位中

有。淡。素。意。亦。有。素。定。意。蓋。道。理。具。在。當。身。只。此。一。個。中。庸。隨。位。  
所。值。素。而。行。之。雖。變。化。推。移。不。同。要。皆。行。吾。身。內。所。當。行。與。身。  
外。絕。不。相。涉。所。以。無。入。不。自。得。內。非。得。外。也。世。所。謂。得。必。因。  
於。求。君。子。正。己。不。求。己。時。是。正。乃。其。然。自。得。也。以。故。凌。接。  
怨。尤。險。倖。都。忘。而。常。居。易。以。俟。命。其。實。得。無。所。得。因。何。有。失。  
即。失。於。正。之。內。還。須。自。求。自。身。自。得。自。正。無。可。於。其。外。置。一。念。  
想。惟。是。射。者。失。正。求。身。念。頭。直。將。君。子。心。腸。繪。出。

行遠章

言。端。而。人。即。以。端。局。之。言。察。而。人。即。以。察。馳。之。道。幾。不。得。其。自。也。  
則。証。之。君。子。而。君。子。之。自。并。不。可。得。而。執。也。則。為。言。辟。如。大。約。學。  
問。之。功。必。從。實。地。上。做。起。非。懸。空。越。脫。者。可。入。行。遠。只。自。適。處。行。  
之。登。高。只。自。卑。處。登。之。不。離。庸。行。而。上。達。天。德。亦。何。漸。頓。之。有。即。

如父母妻子兄弟。總是人倫日用之常。只就家庭克諧。便是宇宙太和景象。

君子之道。高遠卑適。原是合一。其工夫必自卑適着。力故步。踏寶如樂妻子。翁兄弟。順父母。平。常。只在實地上着精神。一團太和元氣。益溢庭闈。即此是中和極致。即此是位育境界。然則自適自卑。斷然如此。君子決不虛驚高遠也。

### 鬼神章

鬼神道之寓也。贊鬼神。正是贊道。天地間無處非鬼神。無處非道。體物不遺。妙萬物而無不在也。即祭祀而鬼神體祭祀也。即承祭祀之人而鬼神體人也。使天下之人。乃人心之精誠。自不容己。若或使之。則人心皆鬼神也。連那齊明盛服處。亦驗其不遺處。在上而不上。不遺如在。左右而左右。不遺引詩。正引容無不在之意。通。

贊德之盛誠即在德內人誠成物天地誠生物鬼神合德於人同德於地而體物豈有不誠的理鬼神體而誠又體鬼神者也物不遺於鬼神而鬼神又不遺於誠者也知鬼神誠則知天下之物無一非誠夫微之顯非言其微也言其顯也實落有

個不見不聞而不可遺道理故曰如此夫此字直指上文此結語耳更將夫字宕起正打着鬼神之神之盛處鬼神一庸也

自索隱章至此皆明君子之道明白顯易即如鬼神不見不聞可謂天下之極玄微者矣然而顯不可掩如此是皆一陰一陽伸至歸藏與天下人心共發其靈乃實落落道理何待強索蓋鬼神一中庸也

大孝章

致之而塞乎天地溥之而橫乎四海者莫非其孝之極際故曰大

孝本是庸行。然孝至於舜，便致得無限好處。未惟其德為聖人也。德亦只無忝所生種。諸福都是德中該得的。聖人不敢自必。但一意脩德，自然件件完備。合四個必得有，分明有為學申重稠疊無已之意。即生物可明必得之理。可見有德者天一定要培他的。詩言令德之宜民人，即物之裁也。此德字影起末句大德之德。受祿而佑命，申即天之培也。此命字影起末句受命之命。受命不以於命，而必於受命者也。格天即以格親受命於天，惟舜無作也。受眷於天，惟舜無弗至也。舜其父事天子，夫子舉舜作一榜樣，贊其為天下古今所不常有。末句看一者字，不粘定舜說。

德為聖人，典稱潛哲，文明溫恭，允塞其實，不過率天命之性，立中和之極，無他奇也。此一件便該得舜之大孝至尊富饗保祿位名壽，乃大德中自然有的。在世人看做奇特事，在聖人若固



有之。只看得極平常。事故結去大德。必受命。言受命固所以成。舜之大孝。總來只成舜之庸德。

### 無憂章

曰父作之。在文王必有以承之。曰子述之。在文王必有以開之。惟文王能盡道。所以無憂也。曰惟見惟文王能之。而他人不與也。文王三分有二。以服事殷。武王克一戎衣而有天下。豈不是大拂文王心者。易侯而王。另起一番事業。分明是改創的。夫子却叫他續緒。直將觀兵孟津與有二服事之念。打作一套事會成一片心。而征誅之業。竟與大舜同一受命尊為天子。四句在舜言諸福畢集。在武言大有作為。文王所當為者。王季先為之。文王所未為者。武王又必為之。若沒有武王。則大勳終於未集。文王猶有憂也。然使有武王。沒有周公。則制作欠缺處多。不惟武王事未終。而文王子。

述之處畢竟未曾了得亦以則文王之憂也故又揭出種：成德處祀典也。葬禮也。喪服也。俱在天理人情之至上。却出來。故曰德追王二句。是成其以孝祀先人之德。斯禮也。以下。是成其以孝治天下之德。節中達字。一則自上達。一則自下達。上已暗伏。下章達孝意在內。

聖人之憂。總是為天下後世之公心。前後應作述之事。而前後人不能作述。可憂也。凡前後不應作述之事。而前後人漫作之。漫述之。可憂也。惟文王寬然於前作後述之間。而獨自盡其道。以承先而啟後。還顧天下後世。當吾身而真可無為。真可無歎。此文王所以為文王也。至武王纘緒而過。有一戎衣之事。則述也。而兼作之。任憂乃在武王矣。當時為天下所欲為。故顯名不失。而尊富饗保。宴然若未嘗有革命之變。是武王自盡武王之道也。至周公而過。

承受命之終則述也而兼成之會憂乃在周公矣當時為天下所不得不為故禮樂作而文武之德成自先公以上諸侯大夫以下皆曲盡天理人情之極是周公自盡周公之道也

達孝章

武周盡倫盡制那一件少得那一件不該如此合幽明上下提是其孝心所通藹然廓然無滲漏無壅闕故曰達人志人事不必定有是志有是事其隨變通不疚於我的志事即不疚於前人志事提自其繼述處善體貼出來繼述不盡於祀典祀典特其大者春秋二條一時事踐位節直總上文正見繼述之善起先王於今日一般孝之至也與其達孝矣乎應通於人曰達盡於己曰至末節正提明達字意以歸束一篇大旨禮以義起義以時宜郊社禘嘗之禮圓融活潑無處不推廣得去即此治國明經濟滾作一團

正聖孝之達於天下處由上文達祖考達子孫臣庶合之達天地  
達乎其先達天下萬世治平之極無非武周冥心合氣周旋曲折  
要之至善而後已真是天理人心同然之妙所以為達孝

袁公問政章

文武之政全從他心上慚但至誠處發運出來如蒲蘆含有生理  
一般生理存即人存生理亡即人亡故緊着仁者人也一句試看  
五達道存個君臣父子夫婦昆弟朋友摠是這個人試看九經存  
個親也賢也大臣羣臣庶民百工遠人諸侯摠是這個人天地間  
許多人摠是一團生理流行活潑到處聯屬故曰人道敏政若人  
各其人便是不仁不仁那有義禮不仁那有知勇如何行五達道  
如何行九經行處只此一處一者何也曰誠也誠為天道故不可  
不知天誠之為人道故不可不知人合學問思辨行盡人以達天

只○完○得○個○肚○肚○其○仁○的○本○來○果○能○此○道○正○果○然○能○以○人○道○敏○政○也○  
明○就○是○知○之○一○強○就○是○成○功○一○隨○你○愚○柔○的○人○無○不○知○愛○其○親○故○  
章○中○說○思○事○親○說○順○乎○親○正○見○親○親○為○大○此○所○謂○為○仁○之○本○本○立○  
而○道○生○也○於○以○治○天○下○國○家○何○有○  
誠○之○者○人○之○道○也○是○通○章○綱○領○文○武○之○人○只○是○個○誠○身○之○人○故○其○  
要○在○脩○身○脩○身○之○道○在○仁○就○是○以○達○德○行○達○道○了○義○禮○俱○仁○中○條○  
貫○直○字○貼○人○字○說○義○豈○有○個○定○體○只○人○之○心○自○己○恰○適○處○便○是○等○  
殺○處○即○是○禮○自○然○秩○叙○如○生○成○一○般○一○毫○加○減○不○得○非○天○而○何○說○  
個○天○字○則○人○之○與○身○定○有○根○源○印○合○的○所○在○盖○知○天○是○脩○身○源○頭○  
正○所○以○行○之○者○一○的○意○思○又○臚○列○出○道○德○中○許○多○名○目○來○件○件○歸○  
併○在○吾○人○身○上○正○要○學○者○在○天○命○源○頭○處○着○力○夫○行○之○非○難○即○因○  
勉○之○人○能○好○學○能○力○行○知○恥○便○近○知○近○仁○近○勇○了○未○遠○一○之○須○求○

近之既曰近之自能一之。知斯三者以脩身。知此身原是知仁勇  
之身以行達道的。知得徹時則以身取人。以人舉政。天下國家治  
理俱從此做出。天下國家以九經治之。九經之效實效也。九經之  
事實事也。故所以行之者只是一誠。誠身工夫由於明善。善是本  
體即誠者。天道也。常人迷却本來所以離真逐妄。若當下識得本  
心則真性自然顯露。明誠即知仁之謂也。知以知之仁以行之勇  
其在中也。反身而誠。渾然天命之本然。便歸之天道。不思而得。是  
其善之悠然。會心處不勉而中。是其善之安然。恰合處。天道原自  
從容。聖人合天只是純亦不已。耳指在人。天之不指在天。天可  
見誠乃生人之根。汨沒不得。恭透至善之理。寔行之。至於果能  
此誠之。人道便合了。天之道便是文武之身一般。則其人存而  
政舉矣。

自誠明章

性即天命之性。指人的本性。言教即脩道之教。指人盡性的方法。分別個性教出來。正欲學者由教而得性。性只有此誠明。即性中不滅之靈光也。從誠入者。合下就誠。從明入者。亦求到那誠處。誠則明。是性不碍教也。明則誠。是教不碍性也。不平對語。氣重下一層。

盡性章

天命之性。不過一誠而已。誠是實體。性是虛體。實體十分具足。無一毫損壞。為誠之至。虛體十分圓滿。無一毫欠缺。為性之盡。其實誠即是性。誠之至即是性之盡。至誠盡性。實。做中和位育等事。若天地無聖人。人物之性必有未盡處。化育便有缺陷處。至誠無人已。物我之異。一盡俱盡。即天地化育所不及。皆至誠補之。所以

與天地參三個盡性固是合一然是有實事

致曲章

句。與上節相照。次字照上。至字蓋誠之不思不勉者為至而誠之未遠至者為次也。曲字照上。性字蓋性乃誠之本體。曲則性之端倪也。其實曲即性體以未渾全故謂之曲。致字照上。盡字盡則一舉而性分以畢。致則漸充而求復其性也。致曲中大有擇執功夫。致曲之盡即曲能有其誠矣。盡人物贊天地至誠者能化也。由形著明動變而至化正是漸。致極處化其動變所由來併化其著明所自出已與人物共渾一誠之內。致曲者亦與至誠同。則是天能者人能者亦能也。盡性者盡復性者亦盡也。即及其成功一也之意。

前知章



至誠之道。即天之道也。至誠不言人而言道。最可味。蓋言人則至誠之造。非聖人不能當。言道則匹夫匹婦當其一。私不着。便是至誠。便有可以前知之理。禎祥興兆也。非興本也。必有所必所以與妖孽亡徵也。非亡本也。必有所以亡所以者。何即章中之善不善。是未落著龜四體之源頭處。善不善與禍福字有辨。禍福未至也。連那善不善亦在。隱：隆：之間。善幾先兆。即合着。繼善之性不。善幾先兆。即違着。天命之理。於此先知。默：幹旋。信。惟。至誠。能。微。隨。見。得。亦。惟。至。誠。能。極。力。做。得。以。誠。體。物。曰。神。以。道。通。神。曰。誠。誠。也。神。也。總。之。一。道。

### 自成章

天命以來。自性本體。真一無偽。乃吾所以自成其人。於此有率性之道。乃吾自家責任。實落該做。一毫無可推諉。你看天地間物。吾

性皆備之物也。那一件少得誠的誠者是物徹終徹始。聯絡無盡  
的道理不誠。即有始無終。物之真脉從此斷了。是以君子貴誠。見  
得誠與物貫。再離不得。須盡自道功夫。誠者不是成了已。便罷。所  
以成物也是這個誠。物我皆成已。合萬物一體以成已。是其仁物  
本吾心徹照以成物。是其知成物之知。須從成已者出來。蓋洞見  
已之即物而成物之理。即在成已之中。總來德體渾同一性。分不  
得孰內孰外。合字固是性體亦根自成。自道功夫來。本性既合外  
內。仁知而自成。自道者又能使所合者不離。直遊於天命流行物  
與無妄之初時。闔時闔時消時息。何時而非中。何措而非宜。終不  
合時便是已。私便是不誠時者。誠之實際也。此自道之妙。所以終  
終始。完其自成之極也。

無息章

大哉誠乎聖人以之而致功用之極天地以之而立造化之原誠  
合外內之謂徵使吾心有一息之不在而使天下有一物之不得  
其所皆息也息便不能不已無息不專以靜時言事來即應時  
即化渾是一團生意說至誠無息之徵極之高厚悠久俱誠之精  
神透現處而盡兩間之所有原具在至誠心體中真是無物不在  
覆載成中而絕不忒一些知識不着一点安排至誠一天地也說  
天地生物之盛極之日星河岳昆虫草木何所不有卒莫測其所  
以然而悉歸於不貳不貳從為物處想見之一真默運豈容纖妄  
忒入為亦無為是為生成之根天地一至誠也人但知天地至大  
至誠人也未必能與配合及勘到於穆不已之命不顯之德之純  
至誠直與天同運並行共一不已是其所以為主宰處並無絲毫  
間隔何待比擬而後合哉

尊德性章

道非聖不大。使知非人不行。聖人之道。本原於天命。而顯設於典禮。原從天命。人心自不容已。處流出經之緯之。委曲詳盡。禮儀之不得不三百也。威儀之不得不三千也。皆其自然者也。不三百。即於天高地下。萬物散殊之中。有一缺漏不完之處。此優劣充足。所以為發育峻極之實際。此道之所以行也。道本具自性。然非至德。則性體浮散。自然翕聚道體不來。所以要做工夫。修德尊之者。正求其至也。功夫在道問學上。廣大精微。高明中庸。故與新學與禮。皆德性所自有者。致之盡之。極之道之。溫之。知之。教之。崇之。皆道問學以全此德性。事精微等。俱虛字。只禮字是實字。禮非外飾。德性本厚。自然具有許多節文。是禮儀威儀所由來。三百三千。所由生也。厚之不教。雖有煩文。縟節。不過襲一切虛套。與

德性了不相涉而禮始畢矣故學乃所以為禮敦厚乃所以崇禮  
敦字正與疑字相映崇者合於德性而尊也惟德至而道行上下  
治亂都是性道周流之處這性中一點靈光朗然獨照隨物賦形  
拈起便用不煩思議不待湊泊渾然一天命之初保身者保天地  
萬物之大身也

自用章

天下之所奉者天子也位非天子便是賤與德非聖人而為愚者  
一般愚賤不可作禮樂則生今之世即當以愚賤自安也好自用  
便是好自尊之人自用自尊便是生今反古之人所謂小人而無  
忌憚也豈知禮度文必稟於天子立章程定品式裁其器數等第  
之宜正其點畫聲音之辨皆天子事也議禮所以制行故行同倫  
制度所以為法故車同軌考文所以合俗故書同文玩今天下三

字○有○提○醒○當○世○意○我○周○之○典○章○猶○在○所○以○有○位○無○德○與○有○德○無○位  
者○皆○不○敢○有○所○作○雖○以○夫○子○之○聖○且○不○敢○冒○自○用○自○專○之○嫌○况○他  
人○乎○今○用○之○與○今○天○下○相○照○言○天○下○尊○周○之○制○故○不○從○夏○殷○而○從  
周○因○其○時○也○其○實○從○周○那○舍○却○夏○殷○斟○酌○夏○殷○之○禮○以○為○損○益○之  
定○制○尤○得○不○倍○之○神○者○也

### 三重章

無○徵○之○身○過○去○身○也○不○尊○之○身○未○來○身○也○曰○本○諸○身○便○知○其○為○現  
在○持○世○之○身○矣○身○是○有○三○重○的○本○子○而○知○天○知○人○是○本○諸○身○的○精  
蘊○惟○知○天○知○人○斯○本○諸○身○者○盡○善○天○地○可○參○而○何○疑○於○鬼○神○三○王  
可○四○而○何○惑○於○後○聖○謂○我○之○禮○度○文○章○皆○天○降○地○出○可○也○謂○裁○成  
輔○相○乎○天○地○可○也○謂○鬼○施○神○設○可○也○謂○我○洩○鬼○神○之○秘○可○也○謂○我  
率○由○三○王○之○舊○章○可○也○謂○我○損○益○三○王○而○得○其○宜○可○也○謂○我○立○千

聖之大法萬世無弊可也。謂後聖有作補偏救弊皆傳我之精可也。到此地位自無過動無過言無過行遠近信從不待言矣。不曰天下道君子而曰世為天下道云。口氣仍歸到君子身上。君子本不欲干譽自然有譽者乃本諸身之驗正是徵諸庶民而寡過處如此。渾承上文并世道世法世則在內即無射無惡意。搃指制作盡善說。

### 祖述章

堯舜精一之道即為文武緝熙執競之法。堯舜文武之道法即合天時水土之精。仲尼不是一。一。摹倣拘守蓋會帝王天地之精神而融之一心自然為道為法為方為圓各通其脈各用其極。天地覆載萬物仲尼覆載理同一包舉被冒錯行代明重錯字代字有仲尼而道常行常明如四時日月往來不窮也。搃說如天地天地

有小德而流其所以敷為物之辨為道之倫焉其斯以為不害不悖  
也有大德而敷其所以流為物命之為道之本焉斯其以為並育並  
行也須認得不相害悖是言天地非言物與道易簡妙動靜之機  
而一神兩化以盡其利乾坤備性情之德而日新富有以成其能  
此天地之所以為大也不必再贅仲尼所以為大已影：畫出一  
個真仲尼

### 至聖章

至聖原本一性聰明五段即就性體中摹其天德渾全有如此者  
正不待見之作用而本體之用已無不具足了溥博淵泉絜承足  
以字時出在體不在用五德川流從一源發脈其聲名非起於  
敬信悅正自本來至足中洋溢出來至聖配天原在不顯之德之  
純但德不可見者到莫不尊親真是太和元氣渾融流動無一些



滲漏則配天之義了然矣。

達天德章

惟天下至誠固聰明聖知者也。達天德者也。所以經之綸之全是天下之大經。所謂聖人倫之至也。是盡性作用處。經綸之妙全根於立本。是天下之大本。即是天命之性。所以化育者。也。至誠妙契太極動處。即化育之陽。靜處即化育之陰。相為出入。渾然流通。故曰知是會着性的源頭。說到心通天地。則全是太空運用。焉有所倚。凡有倚是見聞覺知。無倚是聰明聖知。有倚是假。無倚是真。實不虛。所謂固也。此等淵濶之境。知識意想都無所着。豈賢知慧巧所能知。故惟至誠知天地。亦惟至誠知至誠。

入德章

闇然之道。即是中庸之道。其味其文其理。絕無些子增飾。其用功。

下手處。獨知近自之幾。而操其鍵於微顯。就在教中。知得微顯合  
一。則戒慎恐懼之功。自不容已。三知字。都是聞然中之覺照。非影  
見虛悟實。由體認中。未此德。即不顯。惟德達天之德也。達天德。即  
是無聲無臭。地位而無聲無臭之德。只始於聞然一念。則曰入德。  
聞者。人之所不見也。不可及。惟在此處。若過此關頭。便潛滋暗長。  
力無及矣。不動不言。聞之寧一也。近自微。所以愈謹愈密也。不賞  
不怒。聞之收攝也。風遠顯。所以自變自化也。篤則聞之極平。則章  
之極而德歸於所不見也。若天下不同。返於微。便是微體未盡處。  
亦便是志之不能無疚。處篤恭而干。是我與天下同。歸到天命之  
身。無臭。是於穆不已之命。而德所以至於命者也。君子  
只完得一個尚絅素心。所以依乎中庸。逝世